





金石萃編卷之九

賜進士出身 誥授光祿大夫刑部有侍郎加七級

唐 五十一

郭氏家廟碑

碑高一丈八寸廣五尺一寸五分行五  
卡八字正書今在西安府布政司署中

有唐故中大夫使持節壽州諸軍事壽州刺史上柱國

贈太保郭公廟碑銘

并序

御題額

金紫光祿大夫檢校刑部尚書上柱國魯郡開國公

顏真卿撰并書

金石錄卷九十一  
昔申伯翰周降神於維嶽仲父匡齊演慶於龜  
見美詩人騰芳史筋豈比夫神明積高之壤  
百二懸隔

之都三峯發地而削成九派浮天而噴激炳靈毓粹奕  
葉生賢括宇宙而口和摠河山而蘊秀莫與京者其唯  
郭宗乎其先蓋出周之虢叔虢或爲郭因而氏焉代爲  
太原著姓漢有光祿大夫廣意生孟儒爲馮翊太守子  
孫始自太原家焉後轉徙于華山之下故一族分爲華  
州鄭縣人夫其築臺見師座子致養家承金穴之賢政  
有露冕之高或慙或謀或肅或父皆海有珠而鳥有鳳  
也閎閎之盛其流益光隋有金州司倉諱履球府君懋

其德輝不脛下位克己復禮州邦化焉篤生

唐涼

州司法諱昶府君能世其業以伸其道遠近宗之不隕  
厥問生美原縣主簿贈兵部尙書諱通府君清識澈照  
博綜羣言始登王畿鬱有佳稱道悠運促靡及賢仕垂  
于後昆歿而見尊是生我諱敬之府君府君幼而好仁  
長有全德身長八尺二寸行中潔矩聲如洪鐘河日電  
照虬鬚蝟磔進退閑雅望之若神以伸由之政事兼翁  
歸之文武始自涪州錄事叅軍轉瓜州司倉雍北府右  
果毅如游擊將軍申王府典軍金谷府折衝兼左衛長  
上原州別駕遷扶州刺史未上除左威衛左郎將兼監

牧南陝渭吉二州刺史侍中牛仙客題君清節奏授綬  
州遷壽州累加中大夫策勳上柱國以天寶三載春正  
月十日遘疾終于涼師常樂坊之私第春秋七十有八  
乾元元年春二月以公之寶鑾開府儀同三司同徒兼  
中書令柱國汾陽郡王日子儀有大勳于

王室乃下

詔曰故中大夫壽州刺史郭敬之果君

子之行毓達人之德才光文武政美中和生此大賢爲  
我良弼頃以夔相稱亂黔首罹殃朕於是鬱興神武之  
師克掃攬搶之氣而子儀帥彼勁卒赫然先驅口京洛  
如拾遺剪兇殘猶振槁功存社稷澤潤生人是州寵洽

將 又改同州興德府右果毅左金吾衛知隊仗長

上 又改汝州魯陽府折衝知右羽林軍長上 又

遷桂州都督府長史充當管經略副使 又改北庭

副都護充四鎮經略副使 又除左威衛中郎將

轉右司禦率兼安西副都護 改右威衛將軍同朔

方節度副使 改定遠城使本軍營田使 又加單

于副大都護東受降城使左廂兵馬使 又拜右金

吾衛將軍兼判單于副都護 又拜左武衛大將軍

兼安北副都護橫塞軍使本軍營田使 又兼充天

德軍使安北副都護 又兼豐州都督西受降城使

右廂兵馬使 改衛尉卿兼單于安北副大都護靈

州判史攝御史中丞權充朔方節度關內支度營田  
鹽池押諸蕃部落副大使知節度事六城水運等使

又拜御史大夫餘並如故 又拜兵部尚書同中

書門下平章事兼單于安北副大都護靈州大都督  
府長史節度等使餘如故 又特加銀青光祿大夫

又拜司空餘如故 又充副元帥餘如故 又拜

尚書左僕射同平章事兼武部尚書餘如故 又加

朔方管內採訪處置使 又加司徒封代國公食實

封一千戶餘如故 又兼中書令司徒兼靈州大都



督府長史單于鎮北副大都護朔方節度等諸使餘  
並如故 又充東京畿及山南東道并河南等道諸  
節度防禦兵馬元帥仍權知東京留守判留司尙書  
省事餘如故 又兼邠寧鄜坊等兩道節度使 又  
封汾陽郡王知朔方河中北庭潞儀澤沁等節度行  
營兼興平定國等軍兵馬副元帥仍充本管觀察處  
置使餘並如故 加實封五百戶 又加實封二百  
戶 又充關內副元帥餘如故 又兼上都留守餘  
如故 又兼河東副元帥河中節度本道觀察處置  
等使兼河中尹餘如故 又兼靈州大都督單于鎮

北大都護充朔方節度大使及關內支度營田塩池  
押諸蕃部落等使六城水運使管内觀察處置使餘  
如故 又拜太尉兼河西副元帥通和吐蕃等使餘  
如故 又拜尙書令兼中書令餘如故  
游擊將軍左武衛將軍上柱國子雲  
朝議郎行延州都督府法曹參軍子瑛  
朝議郎行衢州盈川縣尉子珪

銀青光祿大夫衛尉卿單于副都護振武軍使朔方  
左廂兵馬使上柱國幼賢贈太子少保

正議大夫光祿少卿兼漢州別駕賜紫金魚袋上柱

國幼儒

銀青光祿大夫太府卿上柱國太原郡開國公幼明

孫

銀青光祿大夫試太常卿上柱國太原縣開國公曜  
朝議郎守通州別駕騎都尉賜緋魚袋暉

特進兼鴻臚卿贈開府荊州大都督上柱國旰

雲麾將軍守左武衛大將軍同正上柱國昕

特進試鴻臚卿兼御史大夫左散騎常侍上柱國太

原縣開國公晞

正議大夫試光祿卿贈開府太常卿清源縣開國男

冊

銀青光祿大夫行少府少監樂平縣開國男晤

宣德郎試太子中舍人賞緋魚袋昉

銀青光祿大夫試殿中監駙馬都尉廣陽縣開國男

履尚

昇平公主

奉義郎試太常寺協律郎晉陽縣開國男覲

宣德郎試左衛率府兵曹叅軍曉

銀青光祿大夫試祕書監太原縣開國男曙

宣德郎行京兆府叅軍太原縣開國男昫

朝散大夫試祕書著作郎壽陽縣開國男映

朝請郎試太常寺協律郎暉

曾孫

通直郎行將作丞銳

朝請郎守太府少卿銑

朝請郎守國子監主簿鋒

碑在今陝西布政司御題額顏魯公撰并書敬之汾陽忠武王父也夫以汾陽家廟得魯公手書千載而下猶有生氣其文與書又非所論也但其碑在役人羅暹之所雖歸然壁上而不無磨蝕之憂然以二公

之靈鬼神呵護有由來矣。碑陰具述汾陽兄弟子孫始知汾陽兄弟九人皆列大位不止史所稱幼明一人而已且汾陽封拜與史小異錄具左方碑正書陰作行書不審亦出魯公否觀其筆力似非魯公不能也。史稱子儀初授左衛長史累遷單于副都護振遠軍使又以天德軍使兼九原太守又衛衛尉卿靈武郡太守又加實戶七百頗與碑不合碑立于廣德二年十一月子儀是時年六十八歲官止于尚書令兼中書令故不及攝冢宰尊尚父等事但史言子儀辭尚書令碑乃實書之且通鑑拜尚書令在十二

月此前一月書當是誤

石墨  
鐫華

右郭敬之廟碑陰記汾陽初授左衛長上改官封拜  
至尙書令兼中書令凡二十四考序次歷歷本傳初  
授左衛長史而非長上或云累遷或云又兼多略而  
不錄碑記實封二次止四百戶本傳則七百戶碑云  
拜尙書令在廣德二年十一月而傳云辭尙書令在  
十二月宜以碑爲信

金石  
錄補

予從郭氏寵命錄抄當日碑有所未載者世次於後  
汾陽有大勲於唐室宜其後之以熾而昌也肝子儀  
次子晞子儀三子兵部尙書封趙國公曖子儀六子

卒贈尙書左僕射以女爲憲宗后穆宗太后復贈太尉曙子儀七子先金吾大將軍率封沂國公昕子儀姪幼明之子安西大都護四鎮節度使文子儀姪郭太后叔父封鄭國公曜太子太傅謚曰孝郭太后穆宗母憲宗后也爲暖尙代宗長女昇平長公主之女追贈曾祖太保追封岐國公敬之贈太傅父暖爲太尉母虢國長公主爲高國太長公主釗暖之子工部尙書劍南西川節度入爲太常卿檢校司徒郭太后兄也銚金吾大將軍卒贈尙書左僕射尙順宗長女漢陽公主張太子詹事仲恭尙穆宗第四女金堂公



主銀青光祿大夫仲詞尙穆宗第六女饒陽公主釗

之第三子也銀青光祿大夫襲封太原郡公仲文殿

中少監

以上抄  
謹命錄

忠武王陪葬肅宗建陵

陵內陪葬  
上王一人

在

武將山與太宗九嶼山昭陵相連而稍西北何以無

墓碑或經後人埋沒未可知也郭氏子孫今尙盛住

居華下華州之東路旁有郭汾陽故里石碑此地山

川亦極秀麗集古錄有忠武王將左略碑云貞元十

二年陳翊撰翊之所書亦爲盛矣猶言得其六七益

其官至宰相者七人爲節度使者二十八人尙書丞

郎京尹者十人爲察使者五人據翊所得而書者實

六十人而顯名於世者蓋五十人雖喬琳周智光李  
懷光僕固懷恩等陷於禍敗然杜鴻漸黃裳李光弼  
光進之徒偉然名見於當時而垂稱於後世者亦爲  
不少豈惟得失相當而已哉雖汾陽功業士多喜附  
以成名然其亦自有以得之也其忠信之厚固出其  
天性至於處富貴保名德古人之所難者謀謨之際  
宜亦得其助也

來齋金石  
刻考略

韓與白書書同而

此碑書於代宗廣德二年十一月正與論坐書同時  
是時公年五十六正月除檢校刑部尙書兼御史大  
夫朔方行營汾晉等六州宣慰使宰相元載與公不

協恐公因使奏對必言其短等罷前命但以公檢按  
刑部尙書置之閒散故得從容翰墨而爲此碑常時  
以魯公自書告雍容朗暢不類魯公平生風格爲其  
晚歲極深到之作今觀此碑與自書告畧同而朗暢  
處更出自書告上直使人不復思自書告矣碑陰雖  
無魯公欵然决知亦是魯公書公旣已大書其前誰  
敢更續貂其後故趙德甫金石錄斷然目爲魯公書  
書雖非公經意之作然卽此尙可函蓋徐季海張少  
梯等數十輩豈直正碑爲足高出一切而已太保  
卒於元宗天寶三載時令公甫從戎功名未盛後十

餘年令公屢立奇勲再造王室至德二年以功加司徒封代國公明年二月始有追贈太保之命又七年當代宗廣德二年令公始爲太保立廟當是時僕固懷恩引迴紇深入天子幸陝避狄令公方雪涕勤王刻無寧咎乃萬端拮据中猶能以其舊居爲父立廟忠孝之盛顛沛不忘於戲豈非人倫經紀也歟舊史書太保追封祔國公此碑不書恐是史誤 碑陰書令公歷官與新舊兩史皆同但史略而碑詳耳又史稱八子七婿皆爲朝廷重臣而不知令公兄弟九人亦皆貴也碑曰友于著睦譽龍虎者十人言兄弟也

兄弟止九而云十者舉成數也貽厥有光紉青紫者  
八士言子孫也令公子姪凡十五人而但云八碑以  
令公爲主故但言令公之子也碑立于廣德二年

故書令公歷官止於尙書令按史是年十一月帝以  
子儀爲尙書令子儀以太宗嘗爲此官屢表堅辭答  
詔有無待禮成曲從德讓之語則已允其辭矣旣允  
其辭不宜復書而碑陰有又拜尙書令之語此碑立  
於十一月當拜命之時詔允辭讓在其後歟天以  
郭氏再造唐室靈粹之氣鍾於一門豈惟令公秉仁  
蹈義始終爲社稷純臣卽其子孫無不世世忠孝自

古名臣往往無後獨令公子孫無復遺議史稱令公

子八人壻七人皆朝廷重臣猶淺之乎知公者矣虛舟

題跋

...

公名敬之漢光祿大夫廣意之後廣意世系表作廣  
智碑載子儀官爵甚詳大略與史傳合史稱振遠軍  
使卽單于副都護九原太守卽兼豐州都督也又通  
鑑稱是年十二月拜尙書令此碑建于十一月卽稱  
尙書令者應是碑陰後書及之也傳稱武舉及第授  
左衛長史應依碑作長上碑載子儀兄弟七人孫十  
五人曾孫三人孫除子儀子八人外惟是子琇子斯

照暉幼明子昉曉幼賢子珉子瑛子曾孫銳是暉子  
銳是映子

關中金  
石記

卷五  
通鑑  
卷一百一十五

郭太保敬之乃汾陽王之父碑在今陝西布政司下  
庫相傳布政司卽汾陽府第下庫卽家廟舊基也碑  
雖漫漶然猶當在顏氏家廟上若碑陰則斷非魯公  
書趙子函之言不足信也

鐵函齋  
書跋

卷五  
通鑑  
卷一百一十五

碑列其上世云漢有光祿大夫廣意生孟儒爲馮翊  
太守又云隨有金州司倉履球府君舊唐書地理志

金州隨西城郡武德元年改爲金州是隨不名金州  
而文亦遷就爲之也下文篤生唐涼州司法諱昶府

君生美原縣主簿贈兵部尙書諱通府君今案新唐書宰相世系表廣意作廣智昶作隨涼州法曹亦非金州司倉而通作美原尉尤不言主簿碑在當世魯公自所書宜爲有據而表或誤也碑載敬之遷扶州刺史又渭吉二州刺史又授綏州遷壽州據表所書敬之吉渭壽綏憲五州刺史與碑歷官數亦合而其地獨不載扶州又別書一憲州攷元和郡縣志憲州無文新唐書地理志始有之其小注云憲州本樓頤監牧嵐州刺史領之貞元十五年別置監牧使龍紀元年李克用表置州舊唐書志作貞觀十五年楊鉢



金石錄卷九十二  
五十一  
爲監牧使下又云龍紀元年特置憲州于樓煩監則  
憲州蓋起於唐末故元和志不載而當敬之時州尙  
未設何以云爲刺史由是言之知表亦誤也今碑所  
云扶州者當依以爲正

授堂金石跋

元碑係魏志表所

碑陰正書無書人名氏載敬之子孫曾孫凡三世石  
墨鐫華跋此碑獨詳子儀歷官於本傳爲備予更以  
新唐書宰相世系表校之表載子琇失其官勲今碑  
第一層首列男昭武校尉守絳州萬泉府折衝都尉  
上柱國卽子琇也表載子雲左領軍將軍碑列游擊  
將軍左武衛將軍上柱國表載子瑛延州司法叅軍

碑列朝議郎行延州都督府法曹叅軍表載子珪無  
官勲碑列朝議郎行衢州盈川縣尉表載幼賢副都  
護碑列銀青光祿大夫衛尉卿單于副都護振武軍  
使朔方左廂兵馬使上柱國贈太子少保表載幼儒  
成都少尹碑列正議大夫光祿少卿兼漢州別駕賜  
紫金魚袋上柱國表載幼明少府監太原公碑列銀  
青光祿大夫太府卿上柱國太原郡開國公表載幼  
冲太子詹事碑列銀青光祿大夫試鴻臚卿上柱國  
又表於子雲下載子暉幼冲下載幼謙而碑無之第  
二層列諸孫首爲曜銀青光祿大夫試太常卿上柱

國太原縣開國公載表太子少保太原孝公次朝議  
郎守通州別駕騎都尉賜緋魚袋睦表載睦無官勳  
次特進兼鴻臚卿贈開府荊州大都督上柱國肝表  
載鴻臚卿同正次雲麾將軍守左武衛大將軍同正  
上柱國昕表載檢校左僕射磧西節度次特進試鴻  
臚卿兼御史大夫左散騎常侍上柱國太原縣開國  
公晞表載工部尙書次正議大夫試光祿卿贈開府  
太常卿清源縣開國男肅表載試鴻臚卿次銀青光  
祿大夫行少府少監樂平縣開國男晤表載兵部郎  
中次宣德郎試太子中舍人賞緋魚袋昉表載試太

子中舍次銀青光祿大夫試殿中監駙馬都尉廣陽  
縣開國男纓尚昇平公主表載左散騎常侍駙馬都  
尉次奉義郎試太常寺協律郎晉陽縣開國男暉表  
亦載試協律郎晉陽男次宣德郎試左衛率府兵曹  
叅軍曉表亦載試左衛率府兵曹叅軍次銀青光祿  
大夫試秘書監太原縣開國男曙表載右金吾將軍  
祁國公次宣德郎行京北府叅軍太原縣開國男昉  
表載鴻臚少卿次朝散大夫試秘書著作郎壽陽縣  
開國男映表載右庶子壽陽尹次朝請郎試太常寺  
協律郎暉表不列官勲第三層碑列曾孫僅三人通

直郎行將作丞銳朝請郎守太府少卿銑朝請郎守  
國子監主簿名已殘剝表載銳嘉王府長史銑試太  
常主簿凡此互爲詳略實足以佐証史表而壽陽尹  
唐於縣官不稱尹表誤記也子琇子一人暉子英子  
一人暉至如昉曉爲幼賢子煦暉爲幼明子昕爲子  
雲子餘皆汾陽王子也

授堂金  
石跡

按此碑今在陝西省城布政使司署下庫司署在  
西安府城東鐘樓西陝西通志云相傳爲秦穆公  
故府唐爲尙書省一爲于志寧郭汾陽宅鐵函齋  
下跋云司署卽汾陽府第下庫卽家廟舊基也然攷

之長安志尙書省在皇城承天門街之東而第四  
橫街之北尙父汾陽郡王郭子儀宅在京城丹鳳  
門街南親仁坊是尙書省與汾陽宅有皇城京城  
之別不可謂尙書省卽汾陽宅也至于志寧宅與  
汾陽宅相連則長安志原云于宅在郭宅之西也  
長安志于親仁坊載汾陽宅于大通坊載汾陽園  
而總不云有郭氏家廟則宋氏略也家廟之制唐  
書禮志云諸臣之享其親廟室服器之數視其品  
開元十二年著令一品二品四廟三品三廟五品  
二廟嫡士一廟庶人祭于寢天寶十載京宮正員

四品清望及四品五品清官聽立廟勿限兼節廟制三品以上九架厦兩旁又三品以上有神主又五品以上有几筵此皆唐時家廟之制也据此碑乃汾陽爲其父立廟不在四廟之例而碑文亦專叙其父太尉之事蹟及汾陽勲業文云勅製于舊居永圖而觀德殆卽親仁坊宅爲廟而以太尉爲始祖也碑叙郭氏先世云號或爲郭因而氏焉代爲太原著姓漢有孟儒爲馮翊太守子孫家焉後轉徙華山今爲華州鄭縣人宰相世系表郭氏武王封號叔于西號後平王東遷奪號叔地與鄭武

公楚莊王伐周責王滅虢於是求虢叔裔孫封于  
陽曲號曰郭公號謂之郭聲之轉也因以爲氏華

陰郭氏出自太原漢有郭亭亭曾孫廣智

曾公文集作廣

德碑作  
廣意

廣智生孟儒子孫遂徙馮翊語與碑合而

較詳也下叙曾祖祖父皆稱諱而加府君二字與

他碑不同碑云履球官金州司倉表云金州司倉

參軍碑云昶涼州司法表云隋涼州法曹碑云諱

敬之府君不著其字表云敬之字敬之新唐書郭

子儀傳不叙其父舊傳則云父敬之歷綏渭桂壽

泗

表作吉渭壽綏憲  
碑作扶渭吉綏壽

五州刺史以子儀貴贈太保



追封祁國公

碑不書此封

皆碑與表傳之互異也稱子

儀爲公之寶允此二字乃賢嗣令子之別稱始見于此其碑叙子儀戰功與史傳參校之傳詳而事皆合傳云廣德二年十一月以子儀爲尙書令上表懇辭答詔不允勅子儀於尙書省視事子儀復上表詔荅曲從德讓遣內侍魚朝恩傳詔賜美人盧氏等六人從者八人并車服帷帳牀蓐珍玩之具蓋家廟之作正在此時也子儀以建中二年薨年八十五此時年六十八矣据傳所載似子儀之得從容安居者僅此數月至明年爲永泰元年五

月以後遂有出類濟中之命矣碑陰載諸孫官位

不獨與表異且有與傳異者今以舊書子儀傳參

校之如長子曜碑云銀青光祿大夫試太常卿上

柱國太原縣開國公傳云累遷至太子賓客此下

中時官新傳云至德初推子儀功授衛尉卿累進太子詹事太原郡公三子晞碑云

特進試鴻臚卿兼御史大夫左散騎常侍上柱國

太原縣開國公傳云初以戰功授左贊善大夫加

銀青光祿大夫鴻臚卿拜殿中丞廣德二年加御

史中丞領朔方軍破蕃軍戰捷加御史大夫子儀

固讓此下是永泰二年六子曖碑云銀青光祿大夫

年官新傳同

試殿中監駙馬都尉廣陽縣開國男尚昇平公主

傳但云年十餘歲尙代宗第四女昇平公主

此下是大歷中事 新傳云暖字暖以太常主簿尙昇曙碑

平公主拜駙馬都尉試殿中監封清源縣侯

云銀青光祿大夫試祕書監太原縣開國男傳但

云代宗朝累歷司農卿 此下是建中時子儀弟幼

明碑云銀青光祿大夫太府卿上柱國太原郡開

國公傳但云以子儀勲業累歷大卿監 此下是大

幼明子昕碑云雲麾將軍守左武衛大將軍同正

上柱國傳但云肅宗末爲四鎮畱後 此下是建中

新傳碑所載曾孫二人惟鋒見新史子儀傳銳銑

俱不載而舊傳所有者曜男銚

新傳有銚無銚

昭男鐸晞

男鋼鈞曖子釗鋌銛

新傳增長子鐸

皆碑所未書又以世

系表較之敬之之子十一人碑所未書者子雲之  
弟子喟幼沖之弟幼謙孫二十六人碑僅書十五  
人曾孫三十一人碑僅書三人其書于碑者官位  
又多不同大抵傳載多在立碑以後不能盡合也  
長安志載家廟甚多而家廟之有碑獨始見於郭  
氏碑陰書歷官之詳亦未有如子儀者史傳所不  
能備也碑銘八章章各五句上四句各自用韻下  
一句則合八章之末句同一韻又銘詞之變格也

李光弼碑

碑連額高一丈三尺四寸廣五尺一寸一分四十行  
行八十二三字不等額題大唐太尉兼侍中臨淮武  
穆王贈太保李公神道碑  
二十字並行書在富平縣

唐故□□儀同三司□□□□河南副元帥都督河

南淮南淮西□□南山南東道□節度行營事□□□□

上柱國贈太保□□武穆王李公神道碑

并序

金紫光祿大夫檢校刑部尙書上柱國魯郡開國公

顏真卿撰

□中大夫□□□少□上柱國□紫金魚袋張少悌

書

昔宗周之中興也時則有若方叔召虎

□□□□□□

業南威荆蠻東截淮浦

以左右

宣王詩人歌之列在風

雅

我皇唐之反正也時則有若臨淮汾陽秉文

武忠義

之姿

廓清河朔保

人王室

以翼戴

三聖天下之人

謂之李郭異代

同德

今古一時公諱光

弼京兆萬年人也曾祖

皇左威衛大將軍幽州

經

畧軍副使府君諱令節祖鴻臚卿兼檀

州刺史府

君諱

重英父雲麾將軍

左

領左羽林二軍大將軍朔方節度

副使薊郡開國

公贈幽州都督司空諱楷洛

皆以英果

沈勇累葉將

邊

威稜於幽碣公即

薊

口公之第四子

也體混元之正性秉宏毅之高躅天子純淑生知禮度

謨謀炳邃默識冲深傑出經武之才鬱爲興王之佐故

能東征北伐厭難康屯挺草昧不世之功允蒼生具瞻

之望社稷威寶公之謂歟初天后萬歲

中大將軍燕國公武稽固爲國天將威震北陲有女曰

今韓國太夫人才淑冠族嘗鑒之曰爾後必生公侯之

子因擇薊公配焉後果生公公年十歲嘗撫鹿而遊薊

公視而詢之曰兒勿更爾公振手而起遂絕不爲童戲

未冠以將門子工於騎射能讀左氏春秋兼該太史公

班固之學開元中起家左衛左郎將歷豐夏二都督府

長史 尋遷別駕 加朝散大夫丁父憂 以毀聞終喪

妻 室太夫人高明 整肅有慈有威公下氣怡聲 承順而

每竭其力雖已官達小不如意猶加譙讓之責故能濟

其勲業 天寶二年拜寧朔郡太守四載加左清道率兼

安北都護仍充朔方 行軍都虞候 五載 充 王忠嗣 河西

節度兵馬使 加游騎將軍 守右領軍賜紫金魚袋 仍充

赤水軍使 八月襲封剗郡開國公八載遷右金吾衛將

軍 充節度副使以破吐蕃及招討吐谷渾 加雲麾將軍

左武衛大將軍十一載拜單于副都護十三載 爲安思

順朔方節度兵馬使 思順慕公信義請爲婚姻公辭不



獲免遂託疾罷官西平王哥舒翰聞而避之奏歸京師

遂守道屏居杜絕人事十四載冬十一月安祿山反范

陽天下驛騷朝廷盱食聿求燒燭之將爰統鷹

揚之師明年春正月起公爲銀青光祿大夫鴻臚卿兼

雲中郡太守攝御史中丞持節充河東節度支度營田

副大使知節度事仍充大同軍使二月拜攝御史大夫

魏郡太守充河北道採訪使除范陽郡大都督府長

史充范陽節度使初公以洵方馬步八千人出十門其

月旣望收常山郡前是太守顏杲卿杲長史表履謙口

祿山士門使季欽湊擒其心腹高邈口口口口口口

□□□□出救□□□履謙□史思明所□戰士□□

□□□□泮池之上 公□□□□□□□□□□□□

□以祭之分遣恤其家屬城中莫不感激一心史思明

止圍饒陽馳來拒戰公屢摧陷之 詔拜公兼御

史大夫 命尙書令汾陽王郭公子儀悉朔方之衆與

公合勢□收趙郡又敗之于沙河夏六月戰于嘉山大

敗之斬獲萬計思明露髮跣足奔于博陵窮蹙無計歸

節於祿山祿山大恐逆徒幾潰屬潼關不守 肅

宗理兵于靈武盡追朔方之師加公太原尹公以麾下

及景城河間之卒數千人至秋八月拜戶部尙書同中

書門下平章事史思明

既有

河北之地與蔡希

德悉衆

來攻累月不尅而退公

自賊逼

城於東南

角張帳次

居

止竟

不省視妻子

每

過府門未嘗

回顧是後決遣

事務

信宿方歸至德二年

拜司徒

冬

十二月十五日

肅宗既還京師策勲

換

司空兼兵部尙書

封鄭國

公食

實封八百戶公

弟先進亦

以懋功

同

制封拜乾

元元年

八月拜侍中

其年

冬十月

與九節度圍安慶緒

於和州明年春三月史

思明

至滏陽屢

絕我糧道衆咸

請公

簡精銳

以擊之交鋒竟日思明

奔

北于

百里之外

公反

旆而歸

烟塵亘天諸將皆以爲賊軍大至遂南渡

黃河公至則無見矣迺歸于太原是年夏五月除范陽

節度使尋代汾陽

王爲朔方節度使秋八月充天下兵

馬副元帥以數千

騎東巡追兵

馬使張用

濟會

于泚水

用濟

獨來上謁公數

其罪

而斬

之因

追都知兵馬使御

史大夫僕固懷恩懷恩

中夜馳

赴魚貫而前再宿遄至

秋毫不犯

公趣河而東及渭州聞史思明已過河

遂迎

強旅以至

東京移陳留

守

及官

吏等悉

皆口避公獨與

麾

下趣

河陽

橋城

賊先

鋒已

下

倒愁坂公至

石橋

命秉

燭徐行一夜方達

賊望

之不敢近思明來至城下請見

公

公於

城上

謂之曰

我

三代

無

葬地

一身必

以死國家

之患爾爲逆虜我爲王臣義不兩全我若不

汝必死於我手將士聞之無不激勵相持凡八月思明

暴露不敢入東京乾元二年冬十月甲申賊將周智悉

河  
北之衆萃于河陽城北思明以河南之衆頓于河陽

南  
城之南南北夾攻表裏受敵公設奇分銳襲其虛而

大破贊軍臨陣擒其大將徐口口殺獲略盡贊僅以身

免收軍資器械不可勝數思明心慙氣索烟火不舉者

三日官軍大振初公以爲戰者危事勝負難必每臨陣

嘗貯伏突於毘中義不受口至口登城西向拜辭因賊

欲不自勝三軍見之無不淚下三年春正月口太口兼

中書令□□□□□上元□□□月攻拔懷州擒其偽節

度安太清二年春二月統僕因懷恩自河陽趨河清與

思明合戰于邠山屬風雨晦冥王師不利公收合餘軍

屯于垣縣遂引過請罪懇讓太尉肅宗不能違

之二月拜開府儀同三司中書令兼河中尹節度使夏

五月十有一日復拜太尉兼侍中充河南副元帥都知

河南淮南淮西山南東荆南五道節度行營事出鎮臨

淮時史朝義乘邙山之捷圍逼申安等一十三州自領

精騎圍李岑於宋州公之將吏皆兒懼議南保揚州公

謂之曰臨淮城池卑陋不堪鎮遏不如徑赴彭城俟其

東寇歸而追之賊可擒也遂趣徐州因召田神功宴慰

與同寢宿以宋州之難告祖道郊外俾先飲以寵之分

麾不隸於其將喬岫仍命兵馬使郝庭玉與岫犄角而

擊之賊遂一戰而走使來告捷公已屈指俟報俄而吉

語至焉今上登極實應元年夏五月進封臨淮

郡王廣德元年秋七月加實封三百戶通前後凡二千

戶賜鐵券名藏太廟仍圖畫於凌烟閣冬十一月

上在陝州以公兼東都留守制書未

下久之□□□□□□□□□□□□□□□□使□

□□□□廣德二年秋七月五日己亥薨于徐州之官

余初將吏等

問以後事公曰吾久在

軍中不得

就養今

爲不孝子矣夫

復何言因取

己封

布絹

各

三千匹錢三

千貫

幣麥以分遺

將士

衆皆感痛不自勝及公云亡

以其

布爲公製服庚申

哀問至上

都

上痛

悼

輟朝三日太夫人

一慟而絕終夕方蘇

上使謂

府魚朝恩就宅敦喻京兆尹第五琦

監護喪事九月

未追贈

太保十一月口口太

常議行

謚曰武穆夫人

薛

國夫人太原

王氏

秉長子太僕卿義忠並先公而逝

次

曰太府少卿

太僕卿

象

殿中丞

象

等皆保家克

荷備

聞

詩禮無忝燕翼過庭之訓

冬

十一月廿七日庚申

泣而



咨于玉母虔窳公于富平縣先筮之東禮也

吉甫文武之姿兼樊仲將明之德王國多難羣胡構紛

藉朔方偏師之旅入井陘不測之地思明控銳於恒定

祿山絕望於江淮守太原而地道設奇保河陽而雲梯

罔冀破周贄於溫沉擒太清於覃懷走史朝義叛渙之

衆於梁宋救僕固瑒已危之軍於瀛莫皆意出事外虜

墜計中口口口口口口口口家無贅旒之惠此皆公之

力也公兄遵宜遵行仕至將軍泉弟光響茲不幸早世

次日光顏特進鴻臚卿皆有將畧見稱時輩李曰光進

口口口口口口太子太保兼御史大夫渭北節度使涼

公清識表微沈謀絕衆剛亦不吐柔而能立與公並

時仗鉞分闔□□凌霄翼聖既有戴天之功華原統師

獨聞禁暴之德□□會同□至□□□□□□□□

□□□□□□秦階之上歸聯綵服頌雙節於高堂之

□□□□□□何居□□于□□□□□□州□□□

□北齊拔□□□□□□州亦宣力於西魏成稱義

烈各懋動庸而□□□□□□隅隘隱比之我族事則不

侔真卿昔守平原□□□□繫公蒞止獲保餘生東帶

興居空想北平之禮操□□撰敢墜中郎之辭銘曰

羯胡猖狂傲擾皇綱降生臨淮佐我興

王維此臨

淮萬夫

之

望愛

初

發迹

罔

或弗

繼出

入

忠孝

人倫激昂其心鐵石其行圭璋

天寶

未造

河

朔

匡

攘

天子

命公經營朔方沙

河嘉山我伐用張思明

歸

節

祿山

霍惶潼關勿口醜虜

共亡

其

亡

其

亡

其

亡

肅宗有

命

大

節

鹵子

襄

應變如神兒徒

靡亢介珪入

觀台

座用

光

俾

八

節

節

節

節

節

節

節

東征北國是皇長鬣鄴下望入

河陽擒斬渠魁霆擊龍

驥

淮濱

鎮

定徐上

期翔服田

獲

屈料

場鷹揚

不有神

節

節

節

節

節

節

節

節

喜甚暴強弟兄同時乘

鉞煌煌方期凱旋

雙映旂常

節

節

節

節

節

節

節

節

節

節

節

趨法座夕慶

高堂如何不辰愆此百祥素輻反葬白

跼箱簫鼓悲鳴羽儀分行萬乘致

祭于官

送喪

生榮死

節

節

節

節

節

節

節

節

節

哀身歿名

揚渭水川上壇山路旁

唯餘豐碑突兀連岡

往來必拜

萬古沾裳

關西道耀州富平縣李光弼墓在縣西四十里顏魯

公爲碑

太平寰宇記

張少悌書在當時不大知名而此碑殊勁拔清圓深得右軍行草遺意惜殘缺不完且于李公中興偉畧不得一一證之唐史耳

石墨鐫華

右李光弼碑顏真卿撰張少悌書按史光弼營州柳城人父楷洛爲契丹酋長武后時入朝而碑云京兆萬年人父楷洛薊郡開國公未嘗言契丹酋長也地

理志柳城郡于萬歲通天元年爲契丹所陷開元五年還治大都督府楷洛于武后時入朝柳城陷未久不應卽爲酋長旣陷後又安得入朝也或以入朝後附籍京兆而酋長之說魯公爲臨淮諱故并其舊籍而逸之耶史云楷洛贈營州都督謚忠烈碑云贈幽州都督而無諡又云兄遵直遵沂弟光琰光彥光進子義忠彙而史但稱光進與彙詳貴也夫臨淮雖與汾陽齊名戰功尤爲中興第一如斬侍御史崔衆賞郝廷玉之裨將援牙者壁野水度還軍以避李日越之功其胆識出諸將上碑皆略之顏公筆弱不能如

司馬子長韓彭諸將傳使千載下鬚眉如見也

金石後錄

按此碑間段缺泐賴顏魯公集刻此文可以校補  
碑無立石年月文云廣德□年□七月五日己亥  
堯而年上泐一字顏集作二年据通鑑目錄是年  
七月丙申朔則己亥是四日非五日然推其前五  
月爲丁酉朔若五月小盡則六月爲丙寅朔再小  
盡七月爲乙未朔五日正是己亥與碑合或通鑑  
有誤文也則碑當立于廣德二年與魯公集合矣  
新唐書稱光弼營州柳城人碑作京兆萬年人幸  
相世系表云柳城李氏本奚族不知何氏至寶臣

爲張鏞高養子冒姓張氏後賜姓李氏表末云李氏三公七人三師一人柳城李氏有光弼而子表內不書光弼名且碑所載曾祖合節祖重英父楷洛皆不在表內所未詳也光弼傳不載曾祖祖惟云父楷洛本契丹酋長武后時入朝累官左羽林大將軍封薊郡公吐番寇清源楷洛率精兵擊走之初行謂人曰賊平吾不歸矣師還卒于軍贈營州都督謚曰忠烈所載官位與碑不同然楷洛自契丹入朝則居萬年者卽自光弼始矣傳所叙光弼事蹟大較與碑同其不同者碑云朔方馬步八

千人出土門傳作五千人碑云以數千騎東巡追  
兵馬使張用濟傳云以河東騎五百馳東都碑云  
賊將周智傳作周摯碑云嘗貯伏突于靴中傳云  
納刀于靴刀有伏突之名未有所攷碑云圍逼申  
安等一十三州傳作申光唐書地理志申州義陽  
郡安州安陸郡光州弋陽郡同屬淮南道不能定

其孰是也又傳云浙東賊袁晁反台州建元寶勝

通鑑與此同宋庠紀元通譜作昇國以建丑月爲正月殘剽州縣光

弼遣麾下破其衆于衢州廣德元年遂禽晁浙東  
平詔增實封戶二千與一子三品階碑但書增戶



二千餘俱不載又傳云吐蕃寇京師代宗詔入援  
光弼畏禍遷延不敢行及帝幸陝猶倚以爲重數  
存問其母以解嫌疑帝還長安因拜東都留守察  
其去就光弼以久須詔書不至歸徐州收租賦爲  
解帝令郭子儀自河中輦其母還京二年光弼疾  
篤此碑多泐文魯公刻集又多漫漶賴傳得其  
詳也碑不書薨年若干傳云五十七碑稱長子太  
僕卿義忠先逝次太府少卿太僕卿象次殿中丞  
策等皆保家克荷傳惟載策有志操廉介自將從

賈耽爲裨將奏兼御史大夫

此下是元和  
和年事

不云其官

殿中丞也碑云公兄遵宜遵行弟光允皆早世次  
曰光顏特進鴻臚卿季光進亦以懋功同制封拜  
光進附見光弼傳云字太應初爲房瑄裨將將北  
軍戰陳濤斜兵敗奔行在肅宗宥之代宗卽位拜  
檢校太子太保封涼國公吐蕃入寇至便橋郭子  
儀爲副元帥光進及郭英乂佐之

此下是至德以後事傳載

光進官與碑同而碑有兼御史大夫渭北節度使  
傳所無也碑云天后萬歲中夫將軍燕國公武楷  
固爲國大將威震北陲有女曰今韓國太夫人才  
淑冠族嘗鑿之曰爾後必生公侯之子因擇勳公

配焉後果生公是光弼之母武氏也傳則云母李  
有鬚數十長五寸許封韓國太夫人是以其母爲  
李氏矣疑子爲李氏不應母與同姓史誤顯然碑  
云窆公于富平縣先塋之東是其先塋在富平也  
傳則云死葬長安南原皆碑傳之互異者碑云真  
卿其守平原繁公蒞止獲保餘生以唐書顏真卿  
傳證之真卿出爲平原太守安祿山反真卿募勇  
士得萬人祿山遣其將李欽湊高邈何千年等守  
土門真卿從父兄常山太守杲卿與長史袁履謙

謀殺湊邈擒千年送京師土門旣開十七郡同日

歸順其推真卿爲帥卽碑所云公以朔方馬步八  
千人出土門云云語皆合也

千人出生門元元精者合出

魏碑其兼董融爲柏州刺史元公以禮衣爲人

金石萃編卷九十三

賜進士出身

誥授光祿大夫刑部右侍郎加七級王

唐五十三

顏魯公與郭僕射書

石橫廣四尺六分高三尺二分兩截書上截三十二行旁添一行下載三十二行旁添三行每行字數不計草書在

西安府學

十一月 日金紫光祿大夫檢校刑部尚書上柱國魯

郡開國公顏真卿謹奉書于右僕射定襄郡王郭公

下蓋太上有立德其次有立功是之謂不朽抑又聞之

端揆者百寮之師長諸侯王者人臣之極地今僕射

不朽之功業當人臣之極地豈不才爲世出功冠一時挫思明跋扈之師抗迴紇無厭之請故得身畫凌煙之閣名藏太室之廷吁足畏也然美則美矣然而終之始難故曰滿而不溢所以長守富也高而不危所以長守貴也可不儆懼乎書曰爾惟弗矜天下莫與汝爭功爾惟不伐天下莫與汝爭能以齊桓公之盛業片言勤王則九合諸侯一匡天下葵丘之會微有振矜而叛者九國故曰行百里者半九十言晚節末路之難也從古至今梟我高祖太宗已來未有行此而不理廢此而不亂者也前者菩提寺行香僕射指麾宰相與兩省臺

省已下常參官並爲一行坐魚開府及僕射率諸軍將  
爲一行坐若一時從權亦猶未可何況積習更行之乎  
一昨以郭令公父子之軍破犬羊兇逆之衆衆情欣喜  
恨不頂而戴之是用有興道之會僕射又不悟前失徑  
率意而指麾不顧班秩之高下不論文武之左右苟以  
取悅軍容爲心曾不顧百察之側目亦何異清晝擺公  
之士哉甚非謂也君子愛人以禮不聞姑息僕射得不  
深念之乎真卿竊聞軍容之爲人清修梵行深入佛海  
况乎收東京有殄賊之業守陝城有戴天之功朝野  
人所共貴仰豈獨有分于僕射哉加以利衰塗割



於心固不以一毀加怒一敬加喜尚何半席之座思  
之地能汨其志哉且鄉里上齒宗廟上爵朝廷上位皆  
有等威以明長幼故得彝倫叙而天下和平也且上自  
宰相御史大夫兩省五品以上供奉官自爲一行  
衛大將軍次之三師三公令僕少師保傅尚書左右  
侍郎自爲一行九卿三監對之從古以然未嘗參錯  
如節度軍將各有本班卿監有卿監之班將軍有將軍  
之位縱是開府特進並是勳官用蔭卽有高卑會  
依倫叙豈可裂冠毀冕反易彝倫貴者爲卑所凌  
爲賤所偪一至於此振古未聞如魚軍容階雖開府

卽監門將軍朝廷列位自有次叙但以功績旣高恩澤  
莫二出入王命衆人不敢爲此不可令居本位須別示  
有尊崇只可於宰相師保座南橫安一位如御史臺衆  
尊知雜事御史別置一榻使百寮共得瞻仰不亦可乎  
聖皇時開府高力士承恩宣傳亦只如此橫座亦不置  
別有禮數亦何必令他失位如李輔國倚承恩澤徑趨  
左右僕射及三公之上令天下疑怪乎古人云益者三  
友損者三友願僕射與軍容爲直諫之友不願僕射與  
軍容佞柔之友

又一昨裴僕射誤欲令左右丞勾當尙書當時輒有到

對僕射持贄張日見尤介衆之中不欲顯過今者興道  
之會還爾遂非再獨八座尚書欲令便向下座州縣軍  
城之禮亦恐未然朝廷公譙之宜不應若此今既若此  
僕射意只應以爲尚書之與僕射若州佐之與縣令乎  
若以尙書同於縣令則僕射見尙書令得如上佐事刺  
史乎益不然矣今既三廳齊列足明不同刺史且尙書  
令與僕射同是二品只按上下之階六曹尙書並正三  
品又非隔品致敬之類尙書之事僕射禮數未敢有失  
僕射之顧尙書何乃欲同卑吏又據宋書百官志八座  
同是第三品隋及國家始升別作二品高自標致誠則

尊崇向下擠排無乃傷甚况再於公堂獨咄常伯當爲  
令公初到不欲紛披颺俛就命亦非理屈朝廷紀綱須  
共存立過爾隳壞亦恐及身 明天子忽震電含怒責  
敦彝倫之人則僕射將何口以對

昨日長安安師文出所藏顏公與定襄郡王書草數  
紙比公他書尤爲奇特信手自書動有姿態乃知五

注賢于黃金雖公猶未免也

東坡集

魯公與郭令公書論魚軍容坐席凡七紙而長安安  
氏兄弟異財時以前四紙作一分後三紙及乞鹿脯  
帖作一分以故人間但傳至不願與軍容爲佞柔之

友而止元祐中余在京師始從安師文借得後三紙  
遂合爲一此書雖奇特猶不及祭濠州刺史文之妙  
蓋一紙半書而真行草法皆備也

黃文憲公集

右唐顏魯公與郭僕射書僕射郭英乂也魯公於座  
位高下小有失當猶力爭如此使之立朝其肯逢君  
之惡乎

金石錄

魚朝恩擠郭令公折元載搖相里造侵王縉一時權  
燄熏灼若此魯公秉義以奪其驕至今幾五百年尚  
凜凜有生意猗其偉與但其間稱譽朝恩尙數十言  
大半於行間增入豈猶未免於危行言孫邪

魏了翁鶴山集

魯公作字多擘窠大書端勁而秀偉黃魯直云此所  
期無不欲高照千載者此帖草略匆匆前所未見開  
軸未暇熟視已覺粲然忠義之氣橫溢而點畫所至  
處便自奇勁公嘗謂盧杞曰朝廷法度豈更堪公之  
壞也于此又曰朝廷綱紀須共存立凜然想見其爲  
人蓋公所遭之時如此而所守之道不得不然故倉  
卒未敢忘國之綱紀也余私有感于中者因記于此

石門文  
字禪

坐位帖真蹟在京兆安氏家嘗刻以傳世吳中復守  
永興謂安氏石未盡筆法因再模刻此二本余家咸

有之安氏子孫分析坐位帖乃剖爲二此帖至行香  
寺僕射指後不復有蓋長安石刻本卓頭高指後別  
爲一行遂由是平分爲兩是安氏兄弟不學之謬東  
坡見安師文時帖尙全嘗手搨數十本余得坡公搨  
本於東平王氏無纖豪失真旁用眉陽蘇氏及趙郡  
蘇軾印記米襄陽年少嘗臨之邵伯溫亦云安氏析  
後不復見全本此卷筆法絕類米老遂定爲米老所

臨無疑

袁桷清容  
居士集

西安府學顏魯公座位帖得之按察使李俊此帖與

北京本字行微有不同處字亦稍雜不若北京本之

精好也北京本云初止二石永樂十一年民家發地  
又得二石始爲完物然予所得於淇常秀才者亦四  
幅但視此則首缺六行尾缺八行不知其如何也

業

稿堂

按元章待訪錄是楮紙用先豐縣先天廣德中牒起  
草秃筆今此石刻中秃筆宛然都元敬寓意編謂馬  
主事抑之家藏有來臨此帖內有元時袁文清柄跋  
謂京兆安氏嘗刻以傳世吳中復守永興以安氏石  
未盡筆法因再摹京兆永興皆陝中地名今石在陝  
中豈卽安氏原石耶抑味興重摹者耶又謂安氏分



金石錄卷九十三

析時剖此帖爲二至僕射指下遂平分爲兩以石刻較之正居其半今此帖共六十九行僕射指處止十九行正得四分之一多二行豈馬所藏本又止半幅耶元章書史又謂內小行是於行間添注不盡又於行下空紙邊橫寫與刻本不同若是米臨本亦當作橫寫乃是何袁跋未見言及此帖首十餘行尙覺屈彊未舒至僕射指以下乃始活潑飛動至皆有等威後又更渾化入妙結末數行筆已倦意已懈而餘興淋漓更出屋漏雨蹟殆若所云懷素自言初不知者若分得後半當是獲青腴產矣袁跋又云嘗得坡翁

搨本無毫髮失真蘇公見安師文帖時帖尙全嘗手  
搨數本書遂大進蘇本久不聞應已湮沒馬氏藏米  
本不遠今尙能存否內尊者爲賊所偏當是賤所偏  
又別置一搨下重使字想皆係原稿誤古人書皆手  
寫其正本奈何反不傳

書畫  
跋

末沈括夢溪筆談曰都堂及寺觀百官會集坐次多  
出臨時唐以前故事皆不可考惟顏魯公與左僕射  
定襄郡王郭英乂書云宰相御史大夫兩省五品俱  
奉官自爲一行十二衛大將軍次之三師三公令僕  
少師保傅尙書左右丞侍郎自爲一行九卿三監對

之從古以來未嘗參錯此亦畧見當時故事

金石錄又字記

此魯公與郭英又書英又爲尚書右僕射封定襄郡王驕蹇泰侈陰事元載魚朝恩以固其權時郭子儀大破吐蕃於長安朝臣德之爲興道之會英又擠入座尙書坐朝恩下公移書糾正之年譜以此書在代宗廣德二年按行狀公以肅宗寶應元年加上柱國廣德元年加金紫光祿大夫是年十月吐蕃寇長安上幸陝州子儀擊却之十二月上還京師以魚朝恩爲天下觀軍容使二年正月以公檢校刑部尙書三月進封魯郡開國公觀公自署銜及稱朝恩爲軍容

者與年譜正合則知此書正當在廣德二年十一月  
蓋明年夏劔南節度使嚴武死英又往代之卽不復  
在京矣顧寧人金石文字記不知其年列此書于大  
歷之後蓋未深考耳 按米氏書史爭坐帖是唐畿  
縣獄狀礎熟紙起草內小字是於行間添注不盡又  
與行下空紙邊橫寫與刻本不同石刻龕存梗槩耳  
又袁清容集爭坐真蹟京兆安師文嘗刻以傳世吳  
中復再模刻今此二本世未之見所見惟關中刻耳  
如米氏言行列已非龕存梗槩不知真蹟妙處何如  
使人神往又不知安氏吳氏所刻此今關中本又何

如或曰今關中本卽安氏所刻亦未知其是否也

雲竹

題

跋

書稱英又挫思明跋扈之師抗回紇無厭之請按新  
史史思明陷洛陽謀掠陳蔡詔英又統淮南節度兵  
賊卽陝虢又改陝西節度使而不言其破思明之功  
及英又畱守都又稱其無東檢御才縱麾下與回紇  
兵大掠都城並無抗拒回紇之語皆與此書不合當  
由失書或稱公作書時不免稍有假借爲孔子危行  
言遜之義公於名義所關執論侃侃略不假借豈肯  
遽於英又妄推其功如此定是史者失之耳 三稿

祭姪爲先告伯父次之論坐最後祭姪告伯皆在乾  
元元年公以三月刺蒲州故九月祭姪稱蒲州刺史  
十月改刺饒州故告伯父稱饒州刺史後七年當代  
宗廣德二年公乃與定襄有論坐書三稿皆公奇絕  
之作祭姪奇古豪宕告伯父淵潤從容至論坐則兼  
有祭姪告伯兩稿之奇情緒不同書隨以異所以直  
入神品足爲蘭亭後勁也

虛舟  
題跋

舊唐書代宗紀廣德二年十一月丁未郭子儀自涇  
陽入覲詔宰相百僚迎之於開遠門上御安福寺待  
之此帖所稱興道之會正在其時魯公年譜系之廣

德二年信矣此書前一段言魚朝恩階雖開府官止  
監門將軍以班列言之應序於十二衛大將軍之次  
卽欲別示尊崇只可於宰相師保座南橫安一位如  
御史臺知雜御史之例不當列于僕射之上後一段  
言僕射是二品六曹尙書並三品非隔品致敬之類  
不當擠排尙書使在下座所云裴僕射者左僕射裴  
冕也尊者爲賊所偏賤誤作賊唐會要尙書左右僕  
射自武德至長安四年以前並是正宰相立盧欽望  
拜左僕射不言同中書門下三品不敢參議省事數  
日始加知軍國重事至景雲二年韋安石徐左僕射

東都畱守不帶同三品自後空除僕射不是宰相遂  
爲故事英又除僕射時已非宰相然官品最高在侍  
中中書令之上過此則爲三公三師非尋常人臣之  
職故稱百寮之師長也

潛研堂金石文跋尾

按爭坐位帖自宋以來摹刻者有七種一曰京兆

安氏刻本

長安安師文見東坡集

一曰吳中復重刻本

中復守永

興再摹刻見清容集

一曰米襄陽臨本

見寶章待訪錄

一曰北京本

見彙竹堂稿

一曰戲鴻堂本

見書禪室隨筆

一曰嘉善魏氏本

卽半村錢梅摹本嘉善善魏學濂正之學濂字子一號內齋忠節公大中子明亡殉難著內齋集十卷日知錄五卷蓋帖爲錢氏手摹魏氏校正一曰關而觀少齋金石考畧定以爲魏氏摹刻



中本

見竹雲題跋

今在西安府學碑林者卽關中本也

昶藏本南宋時榻

國初爲無錫錢陸燦湘靈所

藏字畫端勁湘靈嘗書其生年甲子並科分事實

于下則其寶貴可知矣帖中塗抹添注處如謹寓

書改爲謹奉書不其盛矣改吁足畏也然美則美

矣宰相一行坐添注與兩省臺省已下常參官等

字文武之左右添注不論二字苟以悅軍容爲心

苟以下添取字竊見間姑息添注甚非謂也君子

愛人以禮不等字深入佛海字添注况乎收東京

至豈獨有分于僕射哉等字西省官自爲一行兩

省下添注五品以上供奉六字十二三師三公十  
二下添注衛大將軍次之六字未嘗參錯下添注  
至如軍將至振古未聞等字不亦可乎下添注聖  
皇時至亦不聞別有禮數等字蓋不然矣下添注  
今既三廳齊列足明不同刺史等字此外尙有數  
處零星添注不計可見魯公當時雖信筆直書之  
中仍委曲詳盡非率意爲之也文云奉書于右僕  
射定襄郡王郭公新唐書郭知運傳知運次子英  
父舊傳作知字元武代宗卽位雍王率諸將討賊  
洛陽留英父殿于陝東都平權知留守以功實封

三百戶

舊傳作二百戶

召拜尚書右僕射封定襄郡王

云魚開府及僕射率諸軍將爲一行魚朝恩傳云

朝恩洛陽平徙屯汴州加開府儀同三司文云郭

令公以父子之軍破犬羊兇逆之衆郭子儀傳云

子儀次子晞復兩京戰最力吐蕃回紇入寇擊破

之文云苟以取悅軍容爲心軍容之爲人清修焚

行深入佛海魚朝恩傳九節度圍賊相州以朝恩

爲觀軍容宣慰處置使觀軍容使自朝恩始而不

言其修梵行殆由當時宮禁尚沿崇佛之舊習朝

恩亦嘗奉之而史家所宜從略耳文云收東京有

殄賊之業守陝城有戴天之功朝恩傳云史思明  
攻洛陽朝恩以神策兵屯陝洛陽陷思明長驅至  
硤石肅宗詔銳兵十萬循渭而東以濟師朝恩按  
兵陝東使神策將衛伯玉與賊將康文景等戰敗  
之洛陽卽此事也攷之史傳多與此帖語合傳稱  
郭英乂陰事宰相元載以久其權而真卿又不爲  
元載所容論事坐以誹謗不久卽有硤州別駕之  
貶然則英乂得此書其以真卿之之言爲是與否  
史無明文皆不可知而旣爲陰事元載之人則真  
卿之被貶未始非英乂陰爲之譖已

白道生碑

碑高七尺一寸廣三尺九寸七分二十  
一行行四十字正書篆額在正定府

大唐故左武衛大將軍贈太子賓客白公神道碑銘序并  
朝議郎行尚書禮部員外郎翰林學士賜緋魚袋于  
益奉 勅撰

口議大夫行將作口口翰林待 詔上柱國賜紫金  
魚袋摯崇奉 勅書并篆額

淳維之地上戴斗極其氣勁悍其人口口間生將才口  
我王略其有革去故俗鼎新華口口建功惟忠戡難以武  
常旌戈革每襟邊陲胙土連華口口襲祉啓迪後嗣光

昭前人可得而言也公諱道生其先呼韓之宗谷蠡之  
纛代居南部口入中原漢典論封特命弓高之秩周臣  
赴會爰書潞子之班祖廣琛雲麾將軍左羽林大將軍  
心督北軍爪牙中壘口道口口口門有嚴父崇禮忠武  
軍左金吾衛翊府中郎將職副緹騎名雄鷁冠警於  
誰何勤以夙夜公誕自口口口于干戈太公之苻如已  
神授孫子之要動皆暗合心傾奉國膽略禦邊鎮在疆  
場統其蕃部筭爲寧朔州刺史兼部落主恩附獷俗威  
除寇攘軍門罷局虜騎遠遁開元中口安郡口口以宗  
室之賢受登壇之寄每有討伐命公先鋒寇必能嘗險

不避難馘黠虜之首繫林胡之俘仍援河湟大破戎醜  
數實過當讓功居多一自捍邊卅餘載終于左衛大將  
軍春秋六十夫積善疇慶嗣績不忘辛□繼封耿門多  
將求之於代公實有焉其子朔方先鋒使同節度副使  
開府儀同三司試太子賓客左武衛大將□□□□□  
□□□□□勇乃絕倫忠而□力九伐之際常爲戰鋒  
勞旋策勲議績當最□□□□□□□□  
□乃茂功義崇追遠 恩光照於幽□厚澤降于

重泉贈公太子賓客夫人康氏爲□國大夫人喪事官  
俱有加常等以永泰元年三月廿四日遷窆于萬年縣

鳳栖原禮也。□□同列千車會送更刊貞石式建豐碑。  
同武庫之閑樵蘇永禁比祁連之象丘隴長存銘曰。  
地在元朔代生良將名重關西氣雄塞上繼秉金鉞遞  
居玉帳戰必爲鋒居常保障粵有令子時高茂勲援戈  
揮日仗劔決雲東平寇孽西掃狄氛志由忠立名以勇  
聞刻茲貞石以表孤墳。

永泰元年歲次乙巳三月壬辰朔廿四日甲寅建

清河張渾 魯國栗光刻字

道生系出突厥爲寧朔州刺史終於左衛大將軍以  
子元光貴贈太子賓客史但云寧朔州刺史而已碑



題左武衛大將軍而文稱左衛大將軍殊不可解碑  
始著于京兆金石錄歐趙諸家俱未載子於京師疏  
璃廠市上購得之文尙完好無大漫漶而書法亦道  
整可喜

潛研堂金石文跋尾

道生南陽郡王元光之父官終左衛大將軍追贈太  
子賓客夫人康氏爲趙國太夫人唐書元光傳以爲

終寧朔州刺史者非也

關中金石記

按此碑撰書篆額皆奉勅撰者于益結銜云朝議

郎行尚書禮部員外郎翰林學士新唐書于志寧

傳志寧曾孫休烈烈二子益肅及休烈時相繼

爲翰林學士益天寶初進士第不云其官禮部員

外也傳又稱天子嘉休烈父子著儒行休烈妻韋

卒詔贈國夫人

史不詳何國

葬給鹵部鼓吹是益以儒

行著也宰相世系表載益官終諫議大夫諱碑篆

額者摯宗兩唐書無傳書譜亦不列其名攷摯姓

風俗通云摯疇古諸侯國也通志氏族畧或言帝

嚳子摯之後周有摯荒漢有摯綱又後漢有摯恂

晉有摯虞皆最著者宗殆其裔歟碑云公諡道生

其先呼韓之宗谷蠡之允代居南部口入中原呼

韓邪本匈奴單于見漢書匈奴置左右賢王左右

谷蠡見史記則道生係突厥之族帳與白氏爲黃  
帝之後出南陽望者不同系也祖廣琛父崇禮世  
居石職史皆無傳新唐書道生亦無專傳附見李  
光弼傳後白元光傳元光卽道生之子也字元光  
其先突厥人父道生歷寧朔州刺史而不詳道生  
之事蹟碑云開元中口安郡口口以宗室之賢受  
登壇之寄每有討伐命公先鋒云云文中泐字以  
元宗紀及太宗諸子傳證之乃信安郡王禕也紀  
云開元十八年五月己酉奚契丹附于突厥二十  
年正月乙卯信安郡王禕爲河東河北道行軍副

元帥以伐奚契丹三月己巳信安郡王禕及奚契丹戰于薊州敗之傳稱太宗子鬱林王恪恪子琨進封吳王琨子禕中宗時封嗣江王以繼胤後開元時亦以傍繼徙信安郡王累遷禮部尙書朔方節度使契丹可突于叛詔拜忠王爲河北道行軍元帥討之勅禕以副忠王不行禕率裴耀卿諸將

分道出范陽北擊二蕃破之卽碑所載宗室登壇之事也碑云其子朔方先鋒使同節度副使開府

儀同三司試太子賓客左武衛大將

下此叙道生

子元光之官也傳稱元光初隸寧朔本軍補節度

先鋒安祿山反詔徙朔方兵東討元光領所部結  
義營長驅從光弼出土門累遷太子詹事封南陽  
郡王爲兩都遊奕使長安平轉衛尉卿兼朔方先  
鋒史思明攻河陽光弼召主騎軍其後歷靈武雷  
後定遠城使此元光歷官可以補碑之闕也碑云  
遷窆于萬年縣鳳栖原長安志無此原名蓋失傳  
矣末云永泰元年歲次乙巳三月壬辰朔廿四日  
甲寅建壬辰朔則甲寅是廿三非廿四也道生父  
子功績官位不甚崇顯遷窆時亦別無特恩不知  
何因撰書碑文皆奉勅文無可攷

李寶臣碑

碑高一丈八尺四寸六分廣八尺八寸五分二十五行行五十五字正書

成德軍節度使開府儀同三司檢校尚書右僕射兼御史大夫恒州刺史充管內支度營田使清河郡王李公紀功載政頌

并序

支度判官朝散大夫行監察御史王佑上

推勾官朝散大夫行太子司儀郎王士則書并篆

惟天 明命 聖人允成

君非臣無以化化臣非 君無以

贊贊明明 君臣品 陰陽載

□□□□□□歲

□應

帝嗣位敬統舊

服惠周於下下罔不格冬十一月我亞相張公忠志

率東諸侯□出復命元元以貞□太和也先是祿□□

亂朋毒中夏□政血□覆忠良殖姦冗蒸人側側不貳

二乃戮公越在東土受制宇下爲侯□恒克□復寧

□□王室誕宣我化靡□念□敷聞

帝

庭奉若王命

帝曰休才正侯良才

授恒州刺史封密雲郡公表獻□□越二□□□□□

羣海□□擅□無人薄三川威五長摺紳管管

不自卽乃工公執在厲階登若股上罔拂祇命命我





恒恒不堪命羣盜衆聚□野□□□□□□□□□□

□□□□明武殛暴暴服□□人謀不□廬□□□□以

晏□□□士馴業□□穡工就務商通貨四者各正□□

日用□□□□□□□□□□吏更告 公曰淳施會流暨

于城下天雨淫降澗湧□□皮積如阜□□乃□□恐

爲魚其日固久 公以衆人慾□□□□□□流□□天

造層城巖巖居人坦坦□德合□無疆冬十月□□□

□□□□先帝泊慶緒嗣凶自洛奔鄴修好於□

公公不□□□□折□□□得請命□□三年二月

□□□□上以思明作藩於薊□□□□□□思明篤





公威揚揚瞿瞿。攝進成序。若公在首五州之人。無荒

寧風行於冀。冀億之景願附。公昭請於上上

集下望申命用。良冀人熙熙嗜化永休。惟九年冬

帝念宗臣特拜右僕射端武主戎。摠經外政。欽

酌彝典敬揚。天心繫公德載於人人。以蕃殖

翼贊。三主鋪敦四凶。聖咨乃賢神

被乃祿其惟有終。旨才恒中耆老賈審祥。等師

錫言曰。奸臣反常迭起。東土人用。墜黷殆無指告。惟

公牧恒。天眷尔下。尔有君臣公正。爾有

父子。公保尔有灾厲。公奠尔有稼穡。公成微

公疇依恒大圯也廣曰昭茂德崇豐碑阜成於文庶永  
於世克建樂石勗揚頌聲頌曰

惟君配天惟配臣人君嶠嶠我公爲

君武臣翼贊人皇家奄有廿勳大盜跽跽荒

我東鄙孔填不夷元元靡恃恒人保公乃有父子我

涉載懲我年載登我用有孚尔無不承貞石峨峨永以

垂頌惟公之德不崩

下關

永泰二年七月一日建

右成德節度使李寶臣德政碑寶臣降虜與田承嗣  
輩創藩鎮之禍其人本不足道碑辭脅下爲諛餒譟

不文獨王士則者僅見陶九成書譜中不甚著而書法道勁瀟灑有李北海張從申之筆良可寶也碑在

真定御史行臺不易搨

兪州山人稿

李公者寶臣也予讀其傳每嘆屬奚附逆反覆不常朝廷輒以僞署爲真賜姓名授鐵券唐之不振至于如此然竊計當時強藩互結不如此不足以慰來投之心招未歸之賊按碑建于永泰二年七月追頌其功則曰壬寅歲寶應皇帝嗣位冬十一月我亞相張公忠志率東諸侯復命兩唐書無月日而代宗紀與碑合九節度之圍相州也寶臣懼而來歸封密雲郡

金石錄卷之三  
公爲舊書所遺新書云擢寶臣爲禮部尙書封趙國  
公又與碑異碑云授禮部尙書兼御史大夫成德軍  
節度使封清河郡王賜姓改名此恒州耆老賈審祥  
等頌之之碑立于當時必無疑悞何兩書俱不之及  
而末載隴西郡王豈寶臣王封有二次耶抑兩書誤  
以清河爲隴西耶如寶臣以五州未獻開東門納王  
師而止封趙公則加于密雲無幾豈足以酬其志似  
當以碑爲正碑在今真定府公署中巋然巨碣也豈

劉宋二公未之見耶

金石錄補

鎮州察院前庭有風動古碑乃李寶臣功德頌永泰

間立察院卽寶臣節度理所也碑文王士則書筆法  
道逸有漢人遺意絕似孟頫趙公所作因知吳興源  
遠流長所本不獨二王也

隱綠軒  
真藏

士則蓋武俊之子其署銜稱推勾官案史節度使之  
屬有推官有衙推此推勾官疑卽推官矣寶臣之降  
唐封清河郡王唐書藩鎮傳不載却有進封隴西郡  
王事然宰相世系表止稱清河郡王疑傳之誤也

潛  
研

堂金石  
文跋尾

按此碑云在真定御史行臺又云真定府公署中  
其實在察院署今察院廢而爲公館想屢宿于此



金石錄卷之三十三  
至必摩挲是碑字之精勁如前人所言書者王士  
則見韓文集兄弟皆能書

金石萃編卷九十三終

金石萃編卷九十四

賜進士出身 誥授光祿大夫刑部右侍郎加七級王昶讓

唐 五十四

悟臺銘

石高八尺三寸廣四尺五寸十五  
行行十六字篆書在祁陽縣悟溪

悟臺銘

河崖之結 亭之山 撰

悟溪東 瓜廿餘 寺後 石馬

共三四 自步 詠 未 昌 山 尹 庾 涯

驛 毛 紉 左 屬 曰 辭 肯 武 陞 譚 高

八六十一尺下崗洞潭其勢幽隘  
半山出底蒼然池可杜汲上戶  
顛勝處山巔悉爲會堂水牽龍  
窟窟間松竹掩映軒戶畢間幽  
奇於巖古入可畜噴間與病於  
時响雷勿而終藉高崗印瞻眺  
剔山巔薄畔鳴頸歌吟印自  
陽達今更茲戶緝爲峪崗蓋非  
翠翠多所好也銘曰

湘淵清澗峪崗陔隄豐潤

釋文  
十五日功  
如璫如珉  
式年歲考  
上未六八  
十

悟臺銘

有序

河南元結字次山撰

浯溪東北廿餘丈得怪石焉周行三四百步從未申至  
丑寅涯僻斗絕左屬回鮮前有磴道高八九十尺下當

洞潭其勢礧礧半出水底蒼然泛若在波上石顛勝異  
之處悉爲亭堂小峯嵌竇宜閒松竹掩映軒戶畢皆幽  
奇於戲古人有畜憤悶與病於時俗者力不能築高臺  
以瞻眺則必山顛海畔伸頸歌吟以自暢達今取茲石  
將爲晤臺蓋非愁怨乃所好也銘曰

湘淵清深晤臺峭峻登臨長望無遠不盡誰狀朝士羈  
牽局促借君此臺壹縱心目陽崖礧琢如瑾如珉作銘  
刻之彰示後人

有唐大曆二年歲次丁未六月十五日記

石斯人之作非好古者不知爲可愛也然來者安知

無同好也邪

集古錄

元結次山撰嶧臺銘見歐陽永叔集古錄中次山凡  
文多從顏尚書真卿李學士陽冰索書此篆書不知  
陽冰作者或自作之次山於文爾雅然不能高而愛  
身後名其銘亦類是昔杜襄陽碑峴首一絕頂一深  
淵曰吾懼千秋之後之陵谷也嗚呼古人之於名如

此

弇州山人  
四部稿

嶧臺銘元結撰篆書大歷三年浯溪銘元結撰瞿令  
問篆書大歷三年瀟亭銘元結撰瞿令問篆書大歷  
三年石三銘並在祁陽縣元次山愛祁陽山水遂寓

居焉名其溪曰浯溪築臺曰嶧臺亭曰磨亭所謂三  
吾者也臺銘刻在臺之後甚完整溪銘亭銘刻於東  
崖石上隨石欹斜蘇厚難搦而篆筆特佳視臺銘更  
勝別有黃山谷書百餘字云與陶介石披榛翦穢得  
次山銘刻喜而試之又有皇甫湜五言古詩一首次  
山之子讓五言長律一首

金石文  
字記

右唐嶧臺銘黃山谷云溪銘季康篆亭銘江華令瞿  
令聞篆惟臺銘篆書無姓名又云以字法觀之亦季  
康篆也

金石  
存

右嶧臺銘次山尚有浯溪磨亭二銘皆瞿令聞篆書

以地僻蘚厚難搨惟此銘世多有之雖不著書人姓名當亦令問筆也李少温名陽冰本取木華海賦陽冰不冶之義其兄澥字堅冰皆冰霜之冰也而少温書名亦從俗作氷蓋由楷書借冰爲欠相承已久章奏告身旣用冰字篆書不便更易故爾

潛研堂金石文跋尾

按嶠臺之嶠字與唐亭之唐字皆不見于說文臺

與亭似因浯溪得名則字體亦出次山新意爲之凡水之以浯字得名者有三說文浯水出琅邪靈門壺山東北入濰此別是山左之浯水若浯溪則在今湖南永州府祁陽縣在唐時屬江南西道水



州零陵郡又今福建泉州府有浯江見陳懋仁泉  
南雜志蓋同一浯字地分三處異其名也方輿紀  
要浯溪在岐陽縣南五里山溪諸水匯流于此稱  
爲奇勝流入湘江唐元結自道州歸愛其山川家  
于此今浯溪摩崖碑結所撰中興頌也而獨不及  
嶧臺銘及浯溪唐亭二銘殆椎搨者所不易到耶  
碑題河南元結字次山撰新唐書元結傳

舊書  
無

結

後魏常山王遵十五代孫以討賊功遷監察御史  
裏行佐荆南節度使呂諲判府事又參山南東道  
來瑱府瑱誅攝領府事會代宗立固辭丐侍親歸

樊上授著作郎益著書作自釋曰河南元氏望也  
結元子名也次山結字也云云拜道州刺史進授  
容管經略使母喪請留加左金吾衛將軍罷還京  
師卒贈禮部侍郎傳所載歷官止此其官道州刺  
史不詳何年玩傳語是代宗卽位後之事自宋吳  
曾以下多言次山愛祁陽山水遂寓居焉顧祖禹  
則云自道州歸愛其山水家于此傳不言結寓居  
浯溪而未云罷還京師且此碑銘序亦無家居之  
語則非家于浯溪者顯然据次山集次山嘗僦居  
瑞昌之瀼溪上因自號瀼溪居士有詩云尤愛一

溪水而能存讓名則次山所居者讓溪也溪在今  
江西九江府之瑞昌縣與永州隔遠惟其官道州  
時或是愛浯溪山水常來登眺因而刻銘刻頌蓋  
道與永相距不遠也顧氏諸說殆沿舊志之訛銘  
文篆書無姓名銘中書體不合六書者如涯嵌銘  
三字皆徐鉉說文新附字涯當作厓嵌當作嵌見  
集韻銘當作名春官小祝注今書銘或作名旣夕  
禮士喪禮注竝云今文銘皆作名是其證也峯借  
二字亦徐氏所補鈕布衣樹玉云峯疑封之俗字  
漢書司馬相如傳云歷封巒又云論以封巒義雖

不同或後人本此作峯耳封亦有高義漢書西域  
傳出封牛師古曰封牛頂上隆起者也集韻峯或  
皇作峯又與封之古文𡵓形相近也借當作藉抑詩  
借曰未知漢書霍光傳引作籍曰又趙充國傳遣  
使至匈奴藉兵師古注藉借也司馬相如傳乃著  
籍籍蜀父老爲辭師古曰藉假也溪磴礧礧皆俗  
字又銘文云三四百步百字竟書作自亦所未詳  
金石文字記云別有黃山谷書百餘字又有皇甫  
湜元讓二詩山谷書詩并序爲中興頌碑作見後  
王昭卷湜讓二詩則未見搨本

王訓墓誌

石高二尺六寸四分廣二尺四寸二十二行行二十三字正書

大唐故光祿卿王公墓誌銘

并序

前祕書監嗣澤王德撰

并書

公諱訓字訓瑯瑯臨沂人也日藩新永穆大長公主之

中子昔周文授圖靈王纂膺誕我太子晉晉有儀鳳之瑞瑞流子孫粵王氏焉爲異姓首餘日曾祖知道

皇贈魏州刺史祖同駘皇光祿卿駙馬都尉贈太

子少保尚定安長公主父繇皇特進太子詹事駙

馬都尉贈太傅尚永穆長公主龍種鳳鸞長淮

積潤文武閒出衣冠寔繁譜誦稱之豪族鍾鼎傳于不朽  
公文備四教學通六藝博聞雅量厚德高明三歲  
尚輦奉御四轉至光祿卿早季娶嗣紀王鐵城之季女  
也夫人尋逝有女方笄生人之哀孤遺之極後尚博平  
郡主癸卯歲居鄧州別業因中風疾遂還京師 公

主罄茲上藥竭以秦醫千攘萬療月衰日羸若使經方  
有敬 公亦保合于永季矣嗚呼春秋冊一大讜二季  
巳月癸巳奄終鳳樓之右 中使弔賙度僧尼以追

福 公主崩心震悼哀過禮經孝子郊柴毀骨立古  
今未聞其季八月七日遷厝萬季縣澧川鄉澧川原之

禮也嗚呼生涯畢矣龜兆斯安青門始啓朱輅方引返  
哺之聲絕矣倚門之望休焉銘曰  
龍渠之右鳳城之東出原夾輔卜宅叶同  
地列青松萬古已矣于季寔封  
如松之盛如川之逝  
永頌英聲

右光祿卿王訓墓誌訓字訓光祿卿駙馬都尉同峻  
之孫駙馬都尉繇之子唐書王同峻傳不載其名同  
皎贈太子少保繇官特進太子詹事贈太傅亦史所  
未及也史稱相州安陽人而碑云瑯琊臨沂人者舉

其族望爾宗室表嗣紀王澄初名鐵誠嘗從碑作城

爲是

潘研堂金石文跋尾

撰文者德義珣之子見宗室世系表

闕中金石記

誌言同皎皇光祿卿駙馬都尉贈太子少保今案史但云睿宗立詔復官爵而不及贈官誌言繇皇特進太子詹事駙馬都尉贈太傅尚永穆長公主史亦云繇尚永穆長公主而不及歷官皆于文略也史載繇生子潛今訓亦爲繇子訓娶嗣紀王鐵誠之季女攷宗室世系表澄初名鐵誠語合而撰誌者爲嗣澤王德表惟書德守光祿卿而已今誌仍有前祕書監亦



金石錄卷之九十四  
德所歷官則未之及宜依此互舉也

授堂金  
石跋

按碑稱訓爲瑯琊人而表不載訓之本支則不與表所列瑯琊者同系唐書王同皎傳稱爲相州安陽人必是同皎之先世遷居安陽又從安陽徙河北與表所列者異系而遷安陽之緣起碑傳皆未及詳也碑云曾祖知道皇贈魏州刺史兩唐書王同皎傳但云陳駙馬都尉寬曾孫而不載其父知道又云子繇尚永穆公主生子潛而不及訓傳稱潛元和中累擢將作監大和初檢校尚書左僕射卒據碑稱訓卒千六歷二年是訓卒甚早傳所不

口及載也碑云訓早年娶嗣紀王鐵城之季女尋逝  
後尚博平郡主而下文云因中風疾公主罄泣曰  
藥及奄終公主崩心震悼此公主卽謂博平公主  
郡主後稱公主所未詳也碑云遷厝萬年縣漣川  
鄉漣川原長安志萬年縣不載此鄉名原名惟云  
長樂坡在縣東北一十里卽漣水之西岸十道志  
曰舊名漣坂隋文帝惡之改曰長樂坡疑漣川鄉  
漣川原與漣水近也

會善寺戒壇牒

碑高四尺八寸三分廣二尺八寸八分作三層書上  
牒二十六行行十六字中謝表二十四行行十字並

正書下此答六行行四字  
行書在登封縣會善寺

河南府登封縣嵩岳會善寺戒壇牒

清口東都白馬寺僧崇光敬愛寺僧口口

同德寺僧重進

奉國寺僧法口

香谷寺僧口恕惠深安州龍興寺僧口口

口河南副元帥黃門侍郎平章事王縉奏口安國寺僧  
乘如口前件寺戒口口供奉大德一行禪師口故口壇

口口元同律師口口創造殿宇幽口口口嚴淨受戒之

所洛城推嚴口口口口淪殘墉院口涼更屬艱口口口

口口不有修葺口愧先賢望口前件口律僧七人住持

掃口有口口口口口口口口建方等道場常講戒律口口口口  
口口口安寧

中書門下

牒

牒奉 勅宜依牒至准

勅故牒

大曆二年十月十三日牒

中書侍郎平章事元載十三日

黃門侍郎平章事杜鴻漸

黃門侍郎平章事王縉

兵部尚書平章事李使

檢校侍中李使

檢校右僕射平章事使

中書令使

沙門乘如口伏奉宏十月十三日

恩命於河南府登封縣嵩岳口口口常建戒壇兼抽口  
律七僧灑掃講律者

湛恩自天祖荷無地沙門乘如誠歡誠喜載欣  
躍嵩者口口之口戒者萬行之首非口口岑口口詣  
希口會善戒壇口口口登其封口遺塵口口其受  
口口口比爲碩德口口口口口毀觀者興黍離之

之增涕殞之悲

陛下駐佛日之傾布堯雲之

抽僧灑掃設壇講律雷音永震更乎萬歲之口聖壽無  
疆弥極九天之峻不任戴荷之至謹詣右銀臺門奉表  
陳謝以聞沙門乘如誠歡誠喜謹言

大曆二年十一月口日安國寺沙門乘如上表

戒分律儀釋門宏範用申獎導俾廣勝因允在嚴持煩  
於申謝

會善寺門之右有大曆二年中書門下牒其下勒代

宗手敕二十四字無一筆蝕者

袁宏道  
嵩遊記

碑文在字本當作準宋周必大二老堂雜誌曰敕牒

華字去十爲隹或謂本朝因寇華爲相而改

胡三省通鑑注

亦云本朝寇華爲相省吏避其名凡文書華字皆去十後因而不改

又云曾公亮蔡京

父皆名華而避其實不然予見唐告已作隹又考五

代堂判亦然頃在密院令吏用華字旣而作相又令

三省如此寫至今遂定今據大歷時牒已用隹字則

知此字自取省筆廣韻二字竝收隹字下注曰俗然

管子書華字皆作隹莊子平中隹文子放隹循繩隹

南子眇者使之隹王褒洞簫賦夔襄隹法皆用此字

緯書有洛書靈隹聽京房造隹形如瑟十三弦郭忠

恕佩觿集曰字林用隹爲平準之準

字林呂忱作

而後魏

仇儒爲趙準造祆言曰燕當傾趙當續欲知其名準

水不足

北史長孫肥傳

則准字之來久矣又按宋順帝名準

故沈約宋書平準令王準之皆作准然管莊諸書亦

豈因此而改乎

金石文字記

碑刻會善寺後僧苦於求搨凡石上會善寺三字皆

椎去棄之寺西荒草中傳太常物色得之仍立戒壇

之左又按書史稱代宗畱心翰雲於行書益工論其

筆力非有太宗元宗超邁之氣然亦有足觀者此敢

爲行書矜嚴圓穩固自可珍

嵩陽石刻記

大歷二年十二月會善寺僧沙門乘如因請允抽東



都白馬等寺七人赴戒壇灑掃講律具表稱謝帝手  
敕二十四字荅之碑陰刻陸長源戒壇記陸郢書八  
分迢逸多態

說嵩

劉昫唐書王縉傳云縉與杜鴻漸捨財造寺無限極  
初代宗喜祠祀未甚重佛而元載杜鴻漸與縉喜飯  
僧徒代宗嘗問以福業報應事載等因而啓奏代宗  
由是奉之過當濫述其弊又云故大歷刑政日以凌  
遲有由然也又云其傷教之源始于縉也今此奏牒  
正是作俑之証劉昫良史防微杜漸之言豈不信而

有徵哉

中州金  
石記

按碑稱抽東都白馬寺僧某敬愛寺僧某同德寺僧  
某奉國寺僧某香谷寺僧某白馬敬愛見寺觀其同  
德奉國香谷三寺今不可考

河南府志

按會善寺牒頒于大歷二年十月十五日後列使  
相銜名前三人皆具姓氏曰元載杜鴻漸王縉後  
二人皆曰李使但有姓而無名又二人但有使字  
不著姓所謂使者大抵居相位而出使在外者也  
以唐書宰相表考之大歷二年但云六月丙戌鴻  
漸自劔南追至不載他人拜罷之事更追其前元  
載之同中書侍郎平章事實應元年建辰月始也

杜鴻漸之爲黃門侍郎平章事始于大歷元年十  
二月其時卽兼成都尹充劔南西川節度副大使  
至三年六月自劔南追入朝也王縉之爲黃門侍  
郎在廣德二年正月然是年八月持節都統河南  
淮南淮西山東道行營節度使永泰元年爲河南  
副元帥此後不云入朝而牒則仍列其名不在使  
內其兵部尚書平章事李使者疑是澤潞節度使  
李抱玉爲司空兼兵部尚書乃廣德元年事檢校  
侍中李使者疑是河東節度使李光弼其官侍中  
始于乾元元年八月檢校右僕射平章事使疑是

朔方行營節度使僕固懷恩其官右僕射始于廣  
德二年八月表作左僕射或訛也中書令使疑是  
朔方節度使郭子儀其兼中書令始于乾元元年  
八月碑中銜名可考者如是碑云謹詣右銀臺門  
奉表陳謝以聞長安志禁苑內苑章載東內苑南  
北二里與大明宮城齊東西盡一坊之地南卽延  
政門北卽銀臺門東卽太和門不云右銀臺門據  
元稹詩當年出入右銀臺每怪春風例早迴又李  
商隱詩右銀臺路雪三尺鳳詔裁成當直歸是皆  
有右字與碑合據碑右銀臺門可以奉表陳謝則

當時必設專司進奏之官而職官志無文殆史略

也

### 三墳記

碑高六尺四寸四分廣二尺八寸兩面刻  
共二十三行行二十字篆書在西安府學

先漢器山子四

曜煥字華名齊十也摩口樂不易轅枝

徽旣肩譚家不誥諧李神藐植山

藝博山山文於紹調祇書正字授司

騎曹轉新口尉豪嫺未字在唐

禮浮嗣未護本仁山山義領兵

道京師浩纒口賊曹繁勦口立斷氣口  
見氣口纒普夜郡戶楊賦古樂府廿四  
章在史韋良嗣燕口叙文彙十卷

口卿字景天為琅琅德口文蔚譚度樸  
譚弱肩公即口觀國狂農口虞鄉二尉  
魏字崔公泗相國曾公口口申穆策  
上逢等鬻口嘗游嵩山間山鐘賦云口  
口醫也消鑪沸鼎火平故巨豷當林局  
稀止霖問口口口未子詞久珍口轉金  
城尉曹霖受讎吏不敢口口口口曹於

於齊

口嫩寧榮寬東集立於穆不瑕如家擇  
靈昌呈簿己丑歲小國寧李公彭季尚  
其文翰留朝呂獲岩滿湘支滋場柳寄  
醵醞深糶苗吸記勝散下士得潔上體  
成賦久斷于今賴王文彙百一十二篇  
為戲 二芥菴多曾閑居也文學繼

業瓊瑤產也結固合章紀梓材也吳寧  
生德寧受對福漢諭強仕也講陰堂未

盈一紀三墳相如多其歌嘯部上通占

古者器權曰霸廢故留葬不違禁周于  
而家歲攝提格圖貞陽上元祿口大墳  
三墳之東南庶伯仲叔卿之司鳳於  
大廟諱國元之明孝於斯躬曰魏太深漢  
熙隆去沙陽焉

口李卿諱某賜姓書某口

釋文史雜夏國爲之於文東十卷

先侍郎之子曰員諱某晉父海氏林州古樂以  
曜卿字華名世才也應口樂易機符朗徹旣冠遭家不  
造諸季種藐植之以口藝博之以文行始調祕書正字



授右衛騎曹轉新口尉豪猾未孚立信以示之禮浮竄  
未復本仁以示之義領長安尉直京師浩穰口賊曹繁  
劇有立斷焉口見焉左遷普安郡戶祿賦古樂府廿四  
章左史韋良嗣爲之敘文集十卷

口卿字萬天骨琅琅德口文蔚識度標邁弱冠以明口  
觀國莅鹿邑虞鄉三尉魏守崔公沔洎相國晉公口口  
甲科第之進等舉之嘗遊嵩少夜聞山鐘賦云口口繼  
也洪鑪沸鼎火半死巨豁重林風稍止無聞口口口未  
已詞人珍之轉金城尉曹無受謝吏不敢口口口口卷  
行於世

口卿字榮寬粟柔立於穆不取起家拜靈昌主簿己丑  
歲小冢宰李公彭年尚其文翰署朝邑簿時漆沮決溢  
馮翊昏墊醜渠榘菑股弋脉散下土得漑上腴成賦人  
到于今賴之文集百一十二篇烏戲 三英孝友曾閔  
儔也文學繼 業璿碧產也純固含章杞梓材也吳寫  
生德宜受封福僅逾強仕以講陰堂未盈一紀三墳相  
比思其咎職訊之逢占占者邵權曰霸陵故塋葬不違  
禁害于而家歲攝提格廼貞陽卜而祔人大墳三墳以  
東南爲伯仲叔地之若鴈行終大曆建元之明年於斯  
刻石恐夫溟海爲陸老沙防焉

季卿述

陽冰書

栗光刻

按此碑爲李曜卿兄弟三墓其人皆有文學早仕宦而不壽以歿最少弟季卿換表而宗人陽冰以玉筋刻之也其石猶故物故無傳改之譌

龔州續稟

此季卿表曜卿三墓陽冰書碑雖無翻刻字字畫法具而神亡似與前碑同陽冰顏魯公家廟碑書作陽

冰

石墨鐫

元吾邱衍謂陽冰卽杜甫之甥名潮取海賦陽冰不冶之義爲字旣以字行乃別字少温楊用修嘗辨其

非

按陽冰趙郡人太白從叔其字少温見於宣和書譜與其谷相應若名潮而以陽冰少温爲字於義

皆無取且陽冰工篆書潮江人分觀趙氏金石錄載  
城隍神祠記忘歸臺銘孔子廟記先塋碑三墳記等  
爲李陽冰篆書而慧義寺彌勒像碑彭  
元曜墓誌爲李潮書則其非一人明矣今人讀陽冰

爲陽凝非也按文苑英華有林滋陽冰賦戴侗六書  
故曰說文欠凍也冰水堅也俗作凝孫氏魚陵切說

文蓋以冰爲凝按欠於隸楷不能獨成文故後人加

水焉凝之从水無義當從今文

金石文  
字記

篆書自秦漢而後推李陽冰爲第一手今觀三墳記  
運筆命格矩法森森誠不易及然予曾於陸探微所  
畫金滕圖後見陽冰手書道勁中逸致翩然又非石

刻所能及也

庚子銷  
夏記

唐五十四

右唐李氏王墳記李陽冰書與李氏遷先塋記同在  
今西安府學皆大歷二年建先塋記有宋人重開歲  
月此碑無有說文禮從豐篆作豐豐篆作豐隸楷  
皆同而篆文迥異陽冰上李大夫論古篆書云蔡中  
郎以豐同豐秦丞相以東爲東魯魚一惑涇渭同流  
此碑立信以示之禮禮字反若從豐何也古者官有  
掾屬掾字從彖從手其從木者屋上椽也碑云左遷  
晉安郡戶掾字乃從木二字不當通用蓋因字形近  
下筆時偶誤耳不然陽冰不當使別字也又股泥脈  
散弋卽引字當是曲其直以取勢耳若從弓從巳則

無此字矣劉禹錫高陵令君遺愛頌有股引而東句

與此義同

金石

文有云下土得漑者用宋玉九辯文也漑玉篇以爲卽古文乾字以講陰堂講從葦聲與構字通史記漢書凡媾解字多作講亦是也豁字見魏張猛龍碑及周華嶽廟頌嵩少字應卽用崇見于漢書而竟作嵩劇甚字應用勳見于漢隸字原而竟作劇猗字應從允作矧而從犬作猗禮字應從豐作禮而從豐作禮徹字從青作徹斷字從斷作斷焯字作焯執字作藝昇字作昊皆其不合于六書之正者也又說文無第

字只作弟而孔穎達正義引以爲從竹從弟說文無  
苙字只作隸故鄭康成注儀禮每讀位爲苙此竟有  
第字苙字蓋後人隸寫之譌而以之作篆則尤謬也

關中金

石記

右三墳記碑末無重開年月而字畫更明顯筆力似  
較弱蓋開鑿又在前碑之後也文云下土得漑上腴  
成賦說文無漑字蓋用楚辭后土何時而得漑語又  
云僅逾強仕以講陰堂後漢書周磐夢見先師東里  
先生與講于陰堂之奧旣而長歎其月無病忽終記  
蓋用此事也吳當從奔而碑從天壑當從叔而碑從

豁疑翻刻之譌

潛研堂金石文跋尾

右唐李氏三墳記凡二碑中俱有半截裂紋第一碑左角斷闕下脚微闕几全闕者十四字半闕而猶可辨識者七字末行吏不敢以後文氣未盡隱躍尚有八字右旁痕迹可辨者四字趙明誠金石錄祇載其

目

碧溪文集

按記爲李季卿所述季卿在大歷中宣慰江南語見新唐書陸羽傳而未詳其先世所謂先侍郎者不知何名三墳惟長曰曜卿其名全次二人皆闕上一字兩唐書傳無曜卿等兄弟四人之傳下碑



拙先塋記又不復述三墳之名碑稱曜卿賦古樂  
府廿四章韋良嗣爲敘文集十卷次曰卿游嵩少  
聞山鐘賦詩亦有集若干卷行世又次曰卿有文  
集百一十二篇稽諸兩唐書經籍藝文皆不著錄  
全唐詩不載李曜卿而有李子卿李幼卿二人皆  
大歷間人此三墳皆卒于天寶十年以前其非此  
二人明矣碑爲從子陽冰篆書其不合說文者曜  
卿之曜當從火作耀而從日种藐之种依尚書當  
作冲而從禾豪得之猶當從水作滑或從允作繼  
而從犬皆非也藝字亦說文所無徐鉉以爲俗書

譌謬不合六書之體本只作執後人加艸云義無  
所取而碑中竟書作藝陽冰不講六書大率如此  
其餘漸鑿崇劇第莅等亦皆俗字已詳潛研關中  
諸跋不贅論焉

拓先瑩記

碑高六尺八寸三分廣三尺三寸十  
四行行二十六字篆書在西安府學

拓

先瑩記

學先瑩記

先瑩記

先瑩記

卷之八合祿不瑤跋元我止也  
也宿闕又穴季仲也宿而四三季利也  
宿周子曰季氏子不假其牛而毀其鬻  
盜謀及垂策謀及鬼禍禦方土詔權漏  
還管朝止謂嗒曰霸岸齏齏寄土地矣  
于濕泉止禁北寧宿彼寧是用口叶於  
地其原屬福並止建損三止辭三曰損  
宿辭緩吉觀甚焉圖口上詔城在口口  
司惟密會格上澹水東攀水西水惟密  
會新上瑩連山南作平峒口口坤勢止

宣麟禿順止伯氏仲氏叔氏三墳歸  
攝提精享四冲向口口口靈輻的歸壽

藏多屈靈藏金王國惟費壽 芳若也

異昔詔口三百篇永齋中川宗伯賈尚

聖靈止叙口口口上澤悅幽明錫類口口

追贈黃門侍郎昌命禮部尚書

口口清河郡內太口口口口版未篆

皇命大驛惟二折邪貞石

嗣口口口口口

從子賜姓壽 卓炎邪

釋文

廼 先瑩記

粵烏虜昔蒼龍大泉獻遭家不造

先侍郎卽世

建瑩霸陵遺令也先大夫徐公高口備矣洎單闕歲十

有一月

先夫人合祔天祐改元我之伯也卒間

五六年仲也卒不四三年叔也卒君子曰李氏子天假其才不將其壽蓋謀及龜策謀及鬼神歟方士邵權徧得管郭之道惜曰霸岸鑿龕客土坵矣干溫冥之禁非窳窳攸宜是用口叶永地其原鳳廼筮之遇損三之解三曰損孚解緩吉孰甚焉迺口卜郟城左口口右惟茲

食枚下澆水東焚水西亦惟茲食新下瑩連山南佐平  
峒口口坤勢之宜隧而順之伯氏仲氏叔氏三墳陪側  
屨提格辜月仲旬口日靈輜以降壽藏有恤無藏金  
玉厥惟琴書先志也異昔述口三百篇永泰中小宗  
伯賈公至爲之敘上澤悅幽明錫類口口追贈黃  
門侍郎申命禮部尚書

口口清河郡太夫人口口版未篆口口皇命大龜惟  
二刊刻貞石

嗣口口口述從子陽冰書

闕是鉅唐李監陽冰書以其年代濶遠風雨昏潰字

體不完讀者斯泥遂有吳興姚宗壽筆意率好古者

數人同出刊刻之費闕威安璿重開所貴名賢筆跡

傳諸不朽時大中祥符三年九月十四日畢功助緣

僧智金僧審凝僧省中僧靜已僧文遇

僧當人鄧德誠僧善

此李氏卜葬李曜卿兄弟三人而弟季卿記從子陽

冰書卜地人爲邵權記云徧得管郭之道管謂公明

郭則景純也書玉筋經大中祥符間翻刻故不及縉

雲碑石鑿

鑄華

石唐李氏遷先塋碑經宋大中祥符間重開今復剝

落白清河郡太夫人以下文多不可卒讀 爾雅歲

在亥曰大淵獻此碑書作泉獻避高祖諱也唐兗公

頌碑亦書顏回字爲子泉客土垵矣垵字字書不載

疑是耗字重開時譌耒爲土也

金石存

陽冰書結體茂美而多乖于六書之義然蔡邕石經

已多別體豈書家多不究小學耶文中若審從冢碑

作粵高從口

讀如

碑下口從口

口舌

貳碑作冪龕從

含碑省從合棲或作西碑合作栖樊中從交碑從夕

佐古只作左碑加人岡碑譌作峒勢古只作執見漢

書碑加力宜從夕碑從囧隧古只作隊見竹書穆天



金石錄卷九十四  
子傳碑作隧輻碑作輻藏古只作臧詩中心臧之先  
儒有藏臧二義碑作藏悅經傳多作說碑作悅版加  
作版皆詭于文字之正若臬作泉借洎字爲之改從  
已借殺改字爲之寶作瑤案瑤字見竹書穆天子傳  
玉篇引聲類亦曰古文瑤字此或古人省文借字之  
一法猶未大失也篆者聖人不虛作非可依隸以造昔  
徐鉉作說文新附識者多譏其謬獨怪陽冰自言斯  
翁之後直至小生又欲求刻石經立于大學而不究  
小學如此倘任鴻都之役未見其勝于張參唐元度

諸人也

關中金  
石記

大人以

下

文

之

不

也

右李陽冰書遷先瑩記說文改更字从戊己之己殺  
改字从辰己之己徐鉉引陽冰說謂己有過支之卽  
改而此碑書改元字卻从己不从己秦詛楚文改亦  
從己蓋二文可假借也坳字說文玉篇廣韻集韻俱  
不載惟家語執轡篇息土之人美坳土之人醜注坳  
耗字此少溫所本矣敘說文从支此與三墳記俱从

又泉卽洎字水當在左旁變文居下

潛研堂金  
石文跋尾

按此碑述者名全泐石墨鐫華以爲季卿据三墳  
記爲季卿述首稱先侍郎之子云云此碑亦有先  
侍郎卽世之語則其同爲季卿所述固無可疑碑

云天寶改元我之伯也卒天寶以壬午年改元則  
其前云蒼龍大淵獻是開元二十三年乙亥歲前  
云先侍郎卽世又云先大夫徐公此先大夫未詳  
何謂也下云單闕歲先夫人合祔是二十七年己  
卯也伯之卒在合祔後四年又其後十年之間仲  
叔俱卒卽前碑三墳者是也霸岸鑿龕客土坵矣  
此是形家之言龕與堪通今俗用礪字太平寰宇  
記灞岸在通化門東三十里霸崖鑿龕有傷地脈  
此云客土猶形家謂之來龍也土坵則脈傷而藏  
者體魄不安矣溫冥之禁未詳以臆度之溫取室

閉而煖冥有幽冥之義皆謂墳穴也又云攝提格  
辜月攝提格者寅年也當是壬寅年仲叔之卒在  
天寶十一載壬辰又越十載爲寶應元年辜月十  
一月也以壬寅十一月柩葬也碑云異時述口三  
百篇永泰中小宗伯賈公至爲之敘此必是其先  
侍郎所作之詩也唐書賈至傳至之轉禮部侍郎  
正在永泰二年未改大歷之前惜不知其集名無  
從考矣碑今在西安府學不知當時從何處移來  
碑有其原鳳栖之語則其先塋在今咸寧縣鳳栖  
原長安志云少陵西北三十里皆此原雍大記柳

宗元爲伯妣志曰葬于萬年之鳳棲原在唐時爲  
萬年縣安化里似碑當立于此處今碑移而墓亦  
不可考矣碑爲宋初威安際重開而助緣者皆僧  
名想宋時李墓尚存墓旁當有僧守爲之守護諸  
僧皆住寺者也

### 顏魯公祖關二大字

字徑三尺許隸書後有翁覃谿跋并七言古  
詩共二十三行行二十一字正書在吉安府

### 禮關

右禮關二字顏魯公八分書寺舊有魯公題名今惟  
存此二字耳青原志載汪舟次與寺僧書云祖作禮

非傳寫之誤必有原委寺僧荅云祖古作禮八分取以相配若此二字上石後落永泰年吉州司馬欵此山光千丈矣据此則今所傳木刻後有天寶十四年平原太守欵者訛也天寶稱載不稱年且如果是天寶年題則寺僧與舟次札內何以云欲落永泰年欵乎其爲後人妄加可知也但此二字實出魯公手魯公八分惟見東方贊題額未有如此之大者誠至寶也祖字作禱漢宗俱孔謙曹娥諸碑皆如此至於魯公題名年月則寶刻類編云魯公爲吉州別駕題名吉之淨居寺大歷二年十月題此其確可据者故爲

考其大略而系以詩西江魯公題石二其一丙午匡  
廬陰此題明年孟冬月大書尚記黃李尋八分岌岌  
更雄峙勁勢獨出無古今後題不存存僅此始覺禪  
境尤清深少陵雙峯得門否曹谿一滴誰嗣音後來  
姚江講學派亦假題識青嶽峯宣城老子執陳迹未  
會松竹高邱吟亦如寺僧與汪子商略補刻爭摹臨  
世閒忠孝真仙佛正氣耿耿畱精枕森然魄動仰星  
斗何必更訪東西林區區歲月那足較兩字已重千  
球琳旌旗歌舞照千載文山黃李猶同岑嘉客來遊  
偶然記雲泉相印太古心松門風起衆山響天籟聲

峇文山琴乾隆五十一年歲在丁未冬十二月北平

翁方綱

按青原志云上石後落永泰年吉州司馬款寶刻  
類編云魯公爲吉州別駕大歷二年十月題此舊  
唐書顏真卿傳以誹謗貶硤州別駕撫州湖州刺  
史不載吉州別駕之官新傳則云貶硤州別駕改  
吉州司馬遷撫湖二州刺史真卿之刺撫州在大  
歷三年則改吉州司馬當在二年若永泰年其時  
宜初貶硤州未改吉州似寶刻類編較確也惟吉  
州別駕或寶刻傳譌當從傳作司馬耳祖之作禮



漢碑多有之孔謙碣禮述家業正與此同司空宗  
俱碑禮父司隸校尉筆法大同小異顧藹吉云玉  
篇禮與詛同碑以爲祖字孝女曹娥碑其先與周  
同禮亦以禮爲祖蓋有自來也然則江舟次與寺  
僧問荅之語似亦所見之不廣矣

金石萃編卷九十五

賜進士出身 誥授光祿大夫刑部右侍郎加七級王昶撰

唐 五十五

會善寺戒壇碑

碑高三尺一寸廣約二尺九寸作兩截書上截廿六行行十六字下截廿四行行十字正書在登封

河南府登封縣嵩岳□□寺戒壇碑

請抽東都白馬寺僧崇光敬愛寺僧□□同德寺僧重

進 奉國寺僧法□□香國寺僧從恕惠深安州

龍興寺僧□□

右河南副元師黃門侍郎平章事王縉奏得安國寺

僧乘如狀前件寺戒□□供奉大德一行禪師□故  
□壇□□□同律師□□□□殿宇幽閑□□□□  
受戒之□□城推窳□□□□墉院荒涼更屬艱  
難壇□摧□不有修葺竊愧先賢望拙前件□律僧  
七人住持□□有關□填□□建方等道場常講戒  
律庶□□聖□國土安寧

中書門下

膝

膝奉

勅宜依膝至准

勅

故膝

大鑿二年十月十三日膝

中書侍郎平章事元 載

黃門侍郎平章事杜鴻漸

黃門侍郎平章事王縉

兵部尚書平章事李使

檢校侍中李使

中書令使

沙門乘如言伏奉云十月十二日

恩命於河南府登封縣嵩岳

律七僧灑掃講律者

湛恩自天祗荷無地沙門乘如誠歡誠喜載欣載

者者之或者萬行之首非絕岑

金口卷編卷九十五 唐五十五

金石錄卷九十一  
二  
□□會善戒壇□□□□登其封杳遺塵累躋其□必  
□□□比爲碩德湮沉虛迹□毀觀者興黍離之歎□  
之增涕殞之悲 陛下駐佛日之傾布堯雲之澤抽僧  
灑掃設壇講律雷音永震更呼萬歲之□ 聖壽無  
疆彌極九天之峻不任載荷之至謹詣右銀臺門奉表  
陳謝以聞沙門乘如誠歡誠喜謹言

大龕二年十一月 日安國寺沙門乘如上表

扶風夫子廟殘碑

碑不全僅存一石高廣俱一尺五寸許共七十一字正書今在華州

關 司員郎琅邪顏真卿書

書都官郎中東海徐浩

闕

天地吾知至廣也以其無所不

覆載日月吾知其至明

也以其無所不照臨江海吾知至大也以其無所

不容

納料廣以寸管測

景以尺圭航大以一葦廣不能逃其

數明

不能私其質大不能

亡其險偉哉夫子後天地而

生知天地

之始先天地而沒知天

地之終非日非月光

之所及者遠不江不

海潤之所浸者博三代

禮樂吾知

其損益百王憲章吾知其消息君臣

以位父子以親家

國用

肥鬼神以享道未可詮其有物釋未可證於無生

一以貫之我先師夫子夫子聖人也帝之聖者曰堯王

之聖者曰禹師之聖者曰夫子堯之德有時而息禹之  
功有時而窮夫子之道久而彌芳遠而彌光用之者昌  
捨之者亡昔否於周今泰於唐不然者何被袞而裳垂  
旒而王者哉扶風古縣也在京之西環渭之北望標關  
輔之首雄壓劇秦之火有崱曰袁弁者學吞漢臺賢負  
伊鼎文則變雅行乃矩物其爲政也剛以斷其理身也  
柔而立迴大君之清問動賢相之精選資奉詔旨廓新  
祠宇廟閭岑立宮牆烏趾睟先師於兩楹羅亞聖於十  
哲砌蘭有主院柏分行徂庭自肅入室加敬陳牲牢而  
如在間籩豆而無算天下大軍之後也時弊而沒禮域

中小康之前也俗媮而迷歸尚儒以戢兵設義而銷戰  
使人從善遠惡而不自知大哉袁氏之子其用心也至  
矣邑宰李公才思練達政心和理風聲樹於丕變叱頌  
樂而不支縣丞生簿尉等琅琊王畿黍稷公器覽容色  
窺相公之明鏡整鬢鬣趣相公之龍門雲霄坐馳鳴躍  
可俟浩自帝鄉薄遊鳳翔入境而醉聞佳政告歸而殮  
味尤績前尉許贄起予能事春秋之徒如何勿書時大  
歷二年某月日記

此文載于唐文粹爲扶風縣文宣王廟記大歷二年  
駕部郎中程浩文而今西安府學有僧夢英書此一



記其文正同但去扶風古縣也以下半篇其跋云此  
記刊石元在湖州臨安縣夢英愛而書之豈駕部先  
作此於扶風魯公又書之於湖州而去其半篇耶又  
考唐地里志臨安縣屬杭州不屬湖州得非夢英之  
誤耶今華州有此殘碑數十字其文同

金石文  
字記

此文浩以大歷二年作于扶風魯公會書此于湖州  
華州有之非也疑後人僞作

關中金  
石記

按此碑文五百四十餘字今存者連銜名祇七十

一字文存十之一耳檢唐文粹刻本有此文錄補

成篇文粹載此文題曰扶風縣文宣王廟記撰人

爲程浩今碑題與程浩名俱不存但存顏真卿書  
及徐浩名徐浩必是篆額者也唐書地理志扶風  
縣屬關內道鳳翔府扶風郡武德二年初置漳川  
縣貞觀八年更名扶風然碑又云扶風古縣也在  
京之西環渭之北扶風爲貞觀改名不得爲古若  
扶風之名莫古于漢卽鳳翔府爲漢右扶風地自  
隋以來謂之扶風郡今以縣爲古乃文之失實者  
云在京之西謂至德二載號鳳翔府爲西京也顏  
真卿結銜存司員郎三字以本傳考之真卿之爲  
武部員外郎在天寶初年此後未嘗官員外然此

文末題大歷二年文粹所載要非無據未敢斷以爲誤也程浩無傳可考篆者徐浩碑存其銜曰書都官郎中徐浩傳載浩歷憲部郎中在安祿山反之前則亦是天寶十四載以前之官而未嘗爲都官郎中文盛稱扶風縣尉袁弁夤奉詔旨建文宣王廟奉先師及亞聖十哲像而令丞簿皆牽連及之則興建之功獨在尉矣文云浩自帝鄉薄遊鳳翔則此文專爲扶風縣之文宣王廟而作魯公不應又書之于湖州至湖州之無臨安縣與杭州臨安縣之現無魯公書此碑皆屬夢英之誤記又不

足深論總之此碑文爲程浩作固無可疑其書碑  
篆類結銜與作文之年不合當必有傳刻託名之  
誤而碑在華州則或是殘石易于轉徙未可知也

義琬禪師墓誌

石高廣皆二尺廿二行行廿

一字正書在洛陽乾元壽

唐故張禪師墓誌銘

并序

香山禪師諱義琬字思靖俗姓董氏河南陽翟人紹嵩  
岳會善大安禪師智印法歲廿七世齡五十九開元十  
九年七月十九日長天色慘塞樹凝霜頂白方面赤方  
右肱枕席左臂垂膝言次寂默奄魂而歸舉體香軟容

華轉鮮感瑞嘉祥具載碑錄師未涅槃先則靈記吾滅  
度後世年內有大功臣置寺度遺法居士爲僧世五年  
後焚身留吾菓園待其時也果廿八年有文武朝綱口  
國老忠義司徒尙書左僕射朔方大使相國郭公上額  
於居士拜首受僧奏塔梵宮勝軌元寺法孫明演授禪  
父託葬祖黃金述德於中書令汾陽郡王郭公徹

天請号焚葬借威儀所由檢按大廳三年二月汾陽表  
曰義琬禪行素高爲智海舟航是釋門龍象心超覺路  
遠近歸依身歿道存實資襄異伏望允其所請光彼法  
流其月十八日  
勅義琬宜賜諡号大演禪師餘

依擇吉辰口月十九日荼毗入塔今冊載無記不從大  
禪翁也行慈悲海得王髻珠施惠若春研芳吐翠破邪  
寶劍見網皆除業爲學山萬法包納練行凝寂方能動  
天塔磨青霄砌下雲起星龕月戶面河背山清淨神靈  
庶幾銘曰

行破羣邪 業爲學海 戒月青空 心珠自在

塔面長伊 鈴搖岳風 動天威力 無住無空

碑述中書令汾陽郡王郭公表義琬禪行素高勅賜  
諡號大演禪師邾字作朕以艸體爲楷書也

中州金石記

按河南通志乾元寺在河南府城西南三十里魏

時創建昔在伊闕東山之嶺明嘉靖間遷於山麓  
碑云法歲廿七世齡五十九法歲猶言僧臘世齡  
猶言世壽皆剏見此碑又云頂白方面赤方右肱  
枕席左臂垂膝此述禪師示寂之象禪師之榻向  
南而設其卧向東頂白方者首在西也面赤方者  
面向南也釋氏示寂以右脇爲上故右肱枕席則  
其面向外而南是側身而逝也他碑述高僧示寂  
但言右脅而已未有若此之詳盡者禪師臨終有  
滅度後三十年內及三十五年後之語果於二十

八年有相國郭公勝乾元寺大歷三年二月汾陽

表請賜號大演禪師按禪師以開元十九年示寂  
越二十八年爲肅宗乾元二年三十五年爲代宗  
永泰二年其云司徒尚書左僕射朔方大使相國  
郭公磅乾元寺此郭公卽郭子儀唐書子儀傳是  
年畱守東都寺僧始以額請也至永泰二年則吐  
蕃寇醜泉子儀方屯涇陽與吐蕃戰自無暇爲禪  
師表請賜號据碑載大歷三年二月汾陽表詞則  
距禪師之寂三十八年傳載是年三月子儀還河  
中則二月方自涇陽入朝宜有表請之事也碑下  
文有四十載無記之語是約畧之詞其實三十八



年正與三十五年後之語合也乾元寺榜題于乾元二年未有此榜以前不知此寺何名通志但云魏時創建不云何寺此碑首云香山禪師豈香山是寺名耶

### 趙叡冲碑

碑高七尺一寸五分廣三尺八寸十九行行四十二字隸書

唐故同州河西縣丞贈虢州刺史太常卿天水趙公神道碑 并序

尚書兵部郎中安陽邵說撰

一左衛率府兵曹參軍集賢殿待詔瑯邪王瑀書并

惟天水趙公諱叡沖公惟隋員外散騎常侍平東將軍  
渭源公顯和之驪孫開府儀同三司博州刺史在立之  
曾孫皇朝監察御史君煦之孫猷王府法曹參軍徵  
之子自渭源四代咸著清德洎公纂承嘉聞益彰志業  
貞簡形儀朗異以孝友謹敬協柔昆弟以義禮誠純接  
奉朋交文蔚行茂顯于當世天后時應明堂大  
禮科以上異其對授陝州陝縣尉轉汾州平遙尉器劇  
之地以幹敏稱秩滿從調吏部侍郎蕭至忠以公所試  
超等授大理評事公迫於祿養請署同州河西丞贊貳

其政毗轄吏肅劇賊遁逋伏姦不興縣六百石郡二千石皆受成仰辨而已道長運速奄忽遷殂以景雲二年冬十月二旬有一日終于縣館享年五十二及夫人平陽敬氏卒以開元廿四年四月廿一日合祔于虞鄉縣五老原初公寢疾告其二子良器良弼曰吾祖成季宣孟忠勲炳著迨漢吏部尚書融晉黃門侍郎靈亦能勦攘寇難捍衛王室二祖皆爲河東守子孫因徙家焉由魏歷隋位與豈昇爾後仕唐三葉而未登吉祿以吾祖宗之福豐慶演固不當湮抑淪廢意爾曹爾嗣其將必有達人洎公節世適卅歲而良器官至中書舍人未五

十歲而良弼官至陝華等七州刺史御史中丞浙東嶺南兩道節度使太子賓客

憲宗朝以嗣子參掌

綸誥追贈公虢州刺史夫人平陽郡太夫人

肅宗朝以次子節制方面累贈公太常卿今聖  
踐極嗣孫密邕薰復縱袞等咸擅才業宦成三署竟如  
公疇昔之所識於戲趙氏再世昌茂克大其門皆號州  
祇奉先軌貽裕後續仁積訓深之所致也宜其誕受光  
飾享茲徽章敢篆石立表紀旌風烈銘曰  
德積於微業成而彰先時器舛靡諶其昌於烈趙公亶  
惟貞良砥修行學顯茂家邦施子及孫再世以光登

朝就烈佩玉鏘鏘澤游本根沃潤黃腸有苾遺風久  
逾馨香於斯篆刻裕美無疆

大慶四年歲在己酉五月戊辰朔十五日壬午建

按趙叡冲兩唐書無傳撰入安陽邵說題銜曰尚  
書兵部郎中舊唐書傳說舉進士爲史思明判官  
史敗說降于郭子儀累授長安令祕書少監遷吏  
部侍郎太子詹事新書文藝傳惟不載侍郎詹事  
官餘與舊傳同而皆不云官兵部郎中傳之畧也  
書篆者王瑀無攷碑敘叡冲先世云顯和之元孫  
世立之曾孫君煦之孫徵之子不云高祖某曾祖

某祖某父某也隋唐書亦無諸人傳碑云天后時  
金應明堂大禮科兩唐書選舉志皆不載此科目天  
后之享明堂在永昌元年正月獻沖應舉當在是  
年碑云公寢疾告其二子良器良弼曰吾祖成季  
宣孟忠勲炳著迨漢吏部尚書融晉黃門侍郎元

亦能勦攘寇難捍衛王室按成季趙衰也宣孟趙  
盾也衰字子餘盾衰子字孟諡宣子左傳韓厥言  
于晉侯曰成季之勲宣孟之忠而無後爲善者懼  
矣碑語本此趙融附見魏書趙逸傳云逸天水人  
也十世祖融漢光祿大夫而不言其官吏部尚書

趙元見晉載記晉師伐秦秦將姚洸鎮洛陽部將  
趙元說洸固守洸出戰元從之會陽城及成臯榮  
陽武牢諸城降元死于陣而不言其官黃門侍郎  
皆史之畧也蓋叡沖之先世可攷者如是良器良  
弼兩書亦無傳

### 大證禪師碑

碑高八尺廣三尺九寸三分二十五行  
行五十二字正書在登封縣嵩嶽寺後

大唐東京大敬愛寺故大德大證禪師碑銘

并序

金紫光祿大夫門下侍郎平章事 太清太微宮使

崇寧學文館大學士上柱國齊國公王縉撰

銀青光祿大夫行尚書吏部侍郎集賢殿學士副知

院事上柱國會稽縣開國公徐浩書

隨泉湧而獨疾寶炬然而破闇蓮花無

染

獨

夜光

不繫而自得其惟上智乎夫上智之身

曲隨

世界上智

志遊聖境或宿植德

本乘願復來或意生人間

用

示非慧

見

口孰

能

知之大德号曇真姓邊陳留開

也巴初為孩

稟知

特異亦既有識用

晦如愚家有

耕桑未嘗問鄉有學

校未

嘗顧則曰處

豐屋何

如方丈

馳良

馬何如

振錫

珪組耀世不如被褐金玉滿堂不如

虛白

食珍

者豈覩飢來香積聽樂者豈聞梵唱云何戰



既勝矣出門絕迹

潛

嵩少間

專於讀誦年

至二十遂適

太原受聲聞戒習

根本律性甚

者仰之爲師久而歎曰大聖要道存乎解

脫不取其門

非佛之子乃損落枝葉澄清泉源詣

長老

大照

醒迷解

縛開心

地如

毛

頭掃意塵於色界從此日益唯師能

知

於四

威儀之中無一刹那有息不任以至於大寂無作

以至

於恒用我止無

所虛空未爲

廣

我照

能遍日月未

爲

明震雷

板

山聞不聞

等烈

風振樹見不見等是主無

主

與四大

假舍方寸

無生於

一切

雖相猶以爲未出心

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

量

彌勒深入大照

所沒又尋廣德大師一見而拱手再

見而分座問之於了答之以默俱詣等妙忽合自他梵

網之行楞伽之心密契久矣廣德又謝學徒嗷嗷相顧

靡依來求於我嗣續前教皆以實歸出宅諸子俾稱所

乘渡河三獸自止於分天寶季年祿山作逆陷我洛陽

亂兵蜂螫大德澹然獨在木處天龍潛衛於左右豺狼

仰瞻而讚嘆施財獻供終朝盈門於善惡等以慈於苦

厄人以忍言說不尋無畏故也動靜皆如自在故也度

衆無邊大願力也依報無量邁種福也夫修行之有宗

旨如水木之有本源始自達摩傳付慧可可傳僧璨璨

傳道信信傳響忍忍傳大通大通傳大照大照傳廣德

廣德傳大師一一授香一一摩頂相承如嫡密付法印

唯聖智所證非思議能測也大德既捨眷屬竊爲沙彌

身不顧名志在成道聲稱浸遠歸依如林天寶八年緇

侶領袖舉以上聞乃蒙正度初隸東都衛

國寺旋爲敬愛寺請充大德遷彼與住此有緣非無因

地雜人天之會法如雲雨之施衆有塵勞之悟寺盈河

潤之福今學與其進當學起其信善誘不倦得師則喜

利往者導之以捷觀奧者辯之以正深在定者戒於貪

悟所覺者使之遠視彼來學如菴摩勒果冀其出世如

優曇鉢花齊我知稀故我貴矣寶應二年正月十四日

跌坐如生薪盡火滅年六十夏十四哀纏門人悲及塵

衆樹爲之變色獸爲之失聲棟折航沉佛土蕭索其年

九月葬於嵩岳寺之北阜大歷二年有司奏諡

上聞惻然乃賜號曰大證禪師嘗官於登封因

學於大照又與廣德素爲知友大德弟子正順卽十哲

之一也視縉猶父心用感焉以諸因緣爲之強述銘曰

上德不德典慈連悲現於獨界日俯爲人師以

我無思破彼盡思爾方狀俗我則隨時由多

分別妄生垢淨根不緣口像豈染鏡法不可

著空卽是病無得之得絕聖而聖

文字非文字 言語非言語 云何以解脫 云何而

語女 隨宜說方便 究竟非我與 舍利依嵩山

寂寥松柏所

大曆四年歲次己酉口口二十四日

檢校僧敬愛寺談振 聖善寺僧義辯 安定劉

英模勒 河南屈集臣

碑在嵩嶽寺後欹側荒坡中傳燈錄載達磨傳慧可

可傳僧燦燦傳道信信傳口忍忍傳盧能今碑載忍

傳大通自通以下三傳爲大証摩頂付法然則少林

衣鉢授受六傳入嶺南蓋南宗也傳燈錄載北宗神

秀其門人嵩山普寂立秀師爲六祖云

說嵩

右大證禪師碑真跡剝缺過半行款字數不可數可識者共六百八十八字完全者三百二十五字

金石圖

文苑英華載此碑其文尙可攷年月据寶刻類編全磨滅也述書賦注稱縉爲文筆泉藪是時縉捨財造寺之弊甚矣唐代宗尊重二氏至沙門道士死而賜官賜諡誠可嗤笑碑列縉銜云太清太微宮使崇元宏文館大學士上柱國齊國公劉昫書止云太微宮使其崇元作崇賢無齊國公封號皆當以碑爲正

中州

金石

記

按此碑間段磨泐文苑英華載此文今据以錄補

說嵩云碑在嵩嶽寺後敬側荒坡中河南通志嵩

嶽寺在登封縣城西北嵩山之前武則天幸嵩山

常以此爲行宮而不載敬愛寺之所在則敬愛寺

毀廢已久今碑在嵩嶽寺後大抵敬愛寺址當時

與嵩嶽爲鄰矣撰文者王縉字夏卿維之弟河中

人舊唐書傳稱其以文翰著名廣德二年拜黃門

侍郎碑作門下同平章事太微宮使碑有太清宏文崇賢碑作

崇元館大學士加上柱國碑有齊國公新傳較畧然碑立于大

歷四年而傳稱三年以縉領幽州盧龍節度尋兼

太原尹北都留守河東節度營田觀察等使皆四年之官而碑無之似撰文尙在四年以前也書者徐浩舊傳稱其代宗朝爲吏部侍郎集賢殿學士新傳不言其官集賢而有會稽縣公之封兩傳互異合之則與碑同也碑云禪師年至二十受聲聞戒捨眷屬爲沙彌天寶八年上聞正度充敬愛寺大德寶應二年正月趺坐而滅年六十夏十四蓋自天寶八年受度至此僅十四年故云夏十四以前爲沙彌者且二十六年也寶應二年七月改元廣德故正月仍稱寶應碑又云縉嘗官于登封因



學于大照又與廣德素爲知友縉傳稱廣德二年  
以縉爲侍中持節都統河南淮西山南東道諸節  
度行營事兼東都留守碑所云嘗官于登封者當  
卽在此時也

### 逍遙樓三大字

石高九尺六寸廣四尺正書  
徑二尺七八寸在廣西臨桂

### 逍遙樓

大歷五年正月一日顏真卿書

### 庾賁德政頌

碑連額高九尺七寸六分廣四尺二寸五分十四行  
行三十字篆書後有小記二各六行上下截刻上截

行四十一字至三十九字下截二十九字或三十一  
三十三字不等並正書額題唐龔丘縣令庾公德

頌十字篆書  
在寧陽縣

荀藐古止良宰也榆沔陽止庾公今止  
賢百里也龔丘頌止姑蘇口口口口  
紀議尚謂庾公止政為臬公初也羣吏  
曰咎者宣憂元口為經國執理口口口  
長圖擇賢官御也出宰縣足我自任城  
尉驪屈五百石非丰何改留止口口  
蘇疲入祗也 明命圖密禮讓者形霸  
經所後關土田宣口口口險口口潤

從時雨和爲文於足齊磨不繼井問  
咸獲三載考續一方歸最觀口口口  
御史清河張公曰曰曰曰曰賢也訓俗  
駟官勸直沮權誅職止地類認口口口  
方諧爽氣日暮夏清川止松筠歲寒轉  
茂題改正下止目止字羣卷止卷口口  
子異里聲同觀曰改伯諱止良牧賞泥  
線止茂宰空桑公名贊字口口其先口  
川乃成周止時屯爲堂庾因改命族公  
其書焉公止考曰鈺嗣齋久州形篆

王又曰元濫爲尋陽令 曾王又曰師  
躬爲蜀王文學 樞機繼代 龜麟縹卷大  
醫中 邑者彭潛等三十五 乃改爲故景  
口入咸豐 乃石 實養昌于 元祚元祚  
爲峇縣 乃改賜 姚與 尚周 旋 簡 詳 德 於  
口 止 作 頌 多 媿 終 齊 辭 曰 給 穆 康 公  
宰 寧 止 良 化 洽 百 里 屬 燭 一 方 邑 者 上  
請 顯 音 頌 德 元 祚 嘉 止 今 石 圖 彰  
大 寧 五 季 九 日 三 日 逮

釋文

荀藐古之良宰也榆次碣之庾公今之賢百里也龔丘  
頌之姑無□能□□□紀議者謂庾公之政尤矣公初  
告羣吏曰昔孝宣憂元□□爲經國致理□□□長迺  
擇郎官御史之宰縣邑我自任城尉驟居五百石非才  
何以當之折□□蘇疲人祇若□明命迺崇禮讓省刑  
罰紓力役闢土田宣茲□□□儉□□潤佗時雨味爲  
春風於是齊魯丕變井閭咸復三載考績一方歸最  
都□□□御史清河張公曰昌牧伯之賢也訓俗馭官  
勸直沮枉述職之地類能□之□方諸爽氣日暮更清  
比之松筠歲寒轉茂題以上下之目出乎羣萃之表□

口千里異聲同歡曰以伯達之良牧賞次孫之茂宰宜  
矣公名賁字口明其先口川人成周之時世爲掌庾因  
以命族公其胄焉公之考曰欽嗣爲口州別駕王父  
曰元汪爲尋陽令口曾王父曰師則爲蜀王文學楷模  
繼代龜麟接武大龔中邑考彭潛等三十五人以公岐  
柔口大咸願刻石褒美口于元戎元戎允答縣人以  
陽冰與公周旋備詳德行口之作頌多愧能文辭曰  
於穆庾公宰字之良化洽百里風摛一方邑老上請  
願言頌德元戎嘉之金石迺刻

大龔五年九月三日建

此九字特大書  
在碑之第一行

大龔五年九月三日建

石志卷之五  
佑之間龔邱庾公德政碑舊矣自唐大歷五年歲在  
庚戌至今貞元三年乙亥凡三百八十五年善政獨  
彰芳塵孰嗣而李公之文辭篆字世所貴者佑之到  
官之初首加詢訪乃於廳事之後龔土中得其口斷  
壞散亡僅存其半嗟青瑤之沉埋懼磨滅之無日思  
欲得完本重刻于石未易得也聞邑尉永口趙珣君  
瑞肯爲尋訪於邑人彭彙家得蓄藏舊紙本一以示  
佑之詳讀玩味頗慰願見於是龔石命工口刻口記  
庶乎庾公之德政與夫李公之辭翰爲不朽云五月

一日承務郎兗州龔縣令林棣宋佑之記

有唐庾公嘗宰是邑當時治績昭著而名公若李陽  
冰者因邑人之請□文以頌其實□□既刻亦庶不  
朽不期圯壞其閒廿餘年未遑再立德政□□不絕  
如綫縣令宋公下車之初首加詢訪越明年再勒  
其碑豈非宋公之爲治有慕於庾公之治邪不

然何以勸課農桑奉公竭節以今較昔不謀而合者  
往往皆是歟儒卿謂庾宋之治時雖異而美則同矣  
邑人鄉貢進士□□□□人忠武校尉縣尉王景俊  
徵事郎主簿孫思忠武校尉縣尉王景俊

管勾造碑佐史耿□□



碑殘剥僅有其半貞元三年林棣宋佑之來宰是縣  
訪得完本於邑人彭龜家重勒諸石今按其文序庾  
公名賁字文明其先口川人成周之時世爲掌庾因  
以命族公其胄焉公之考曰欽嗣爲光州別駕王父  
曰元汪爲尋陽令曾王父曰師則爲蜀王文學又云  
大歷中邑老彭滔等三十五人請於元戎云云然則  
當日彭滔之立頌石竟未上於朝也劉夢得高陵令  
劉君遺愛頌載寶應詔書凡以政績將立碑者具所  
紀之文上尙書考功有司考其詞宜有紀者乃奏今  
碑稱請於元戎及縣人以陽水與公周旋備詳德行

口之作頌豈此時節度此方者宜可以專擅固不必待朝命耶書之亦以考世變焉文內有攷字與弔相連說文攷撫也從支亾聲讀與撫同此下一字存其上半弔是爲柔字撫柔蓋稱其惠于斯民也

授堂金石跋

此碑建於唐大歷五年至金貞元三年龔縣令宋佑之以舊木重募於石佑之自爲記竝卜儒卿後跋刻於碑之左方碑文下截每行泐去三五字餘俱可辨黃小松司馬云碑陰尙有金貞元間給事郎守令于象及典史單文等名未有拓本

山左金石志

按此碑無撰書人姓名文云縣人以陽冰與公周

旋云云宋佑之記亦云李公之文辭篆字世所貴  
者則撰書皆陽冰爲之也山東通志龔邱本漢寧  
陽縣地北齊置平原縣隋以縣東南二十里有龔  
邱城更名宋大觀四年避宣聖諱祇稱龔縣金大  
定二十九年避顯宗諱復改爲寧陽元明以來因  
之此碑重刻于金貞元三年其時未改寧陽故宋  
佑之記自稱龔縣令也碑云都口口口御史清河  
張公曰昌牧伯之賢也訓俗馭官勸直沮枉題以  
上下之目出乎羣萃之表云云玩其文義似與盧

正道清德碑相同中宗神龍二年勅內外五品以

生充十道巡察使廉按州郡其時正道爲滎陽縣  
令衛州司馬路敬潛爲河南道巡察使以正道政  
術尤異奏聞中宗降勅褒美識法師爲之立碑頌  
清德此碑似係御史張曰昌爲巡察使品定庾公  
政績邑老彭滔等三十五人刻石褒美所謂題以  
上下之日者猶言上考下考庾公治居土者也特  
是碑但言申于元戎元戎允答而無奏聞之明文  
故不聞朝廷有勅旨如盧正道耳碑云公名賁其  
先曰川人泐一字乃潁川也廣韻云庾出潁川新  
野三望碑又云成周之時世爲掌庾因以命族公

其胄焉通志氏族畧庾氏堯時掌庾大夫以官命  
氏至春秋時周有大夫庾皮皮子過邑于縑氏然  
則碑以偽成周掌庾者傳訛也碑敘其先世曰考  
欽嗣王父元汪曾王父師則史皆無傳碑中用字  
如荀藐之荀松筠之筠皆新附字荀當作郇徐鉉  
云今人姓荀氏本郇侯之後宜用郇字筠當作縑  
嘉定錢君大昭云周禮考工記梓人上綱與下綱  
出舌彛縑疋焉鄭司農注縑籠綱者讀爲竹中皮  
之縑縑持綱紐也此卽古筠字又說文莫目且冥  
也从日在淵中碑書作暮从兩目俗字也繼續也

从糸醫一曰反繇爲繼案繇古文絕字繼字从反  
絕爲義碑竟从繇亦誤凡碑誌之例多自高曾順  
下此則自考上溯曾祖又一例也庾公賁史亦無  
傳碑題建立年月在文前一行字較文特大亦他  
碑所未有

臧懷恪碑

碑高一丈一尺一寸廣五尺四分共二十八行  
行字自五十八至六十四不等正書在三原縣

唐故右武衛將軍贈工部尚書上柱國上蔡縣開國侯

臧公神道碑銘

并序

金紫光祿大夫行撫州刺史上柱國魯郡開國公顏

真卿撰并書

翰林待詔光祿卿李秀巖題額

公諱懷恪字貞節東莞人其先出于魯孝公之子彊字子臧大夫不得祖諸侯其孫以王父字爲氏僖哀二伯既納忠於魚鼎文武兩仲亦不朽於言哲丈人成功而遁迹子原抗節而捨生義和辭金飾之器榮緒奮陽秋之筆賢達繼軌紛綸至今曾祖滿隋驃騎將軍祖龍皇通議大夫靈州都督府長史父德朝散大夫贈銀州刺史咸務遠圖克開厥後血鷹之慶世祀宜哉公卽銀州之第三子也身長六尺一寸眉目雄朗鬚髯灑秀雅

善騎射尤工尺牘沉靜少言寬仁得衆奇謀冲邁英勇  
冠倫友于弟兄謹介鄉黨每致詩而執禮不苟柔以吐  
剛莅事而剖判泉流臨戎而智畧鋒起古所謂文武不  
墜高明有融者焉少以勲勞亟紆戎級開元初嘗遊平  
盧屬奚室葦大下公挺身與戰所向摧靡繇是發名

憲宗聞而嘉之拜勝州都督府長史銳精佐理絜矩  
當官朔漠不空邊隅用又俄拜左衛率府左郎將轉右  
領軍中郎將兼安北都護中受降城使朔方五城都知  
征馬使戎事齊足十萬維羣我伐用張軍威以肅由是  
深爲節度使王峻所器奏充都知兵馬使嘗以百五十



騎遇突厥斬啜八部落十萬餘衆於狼頭山殺其數百  
人引身據高環馬禦外虜矢如雨公旋且殲遽而給之  
曰我爲城懷恪勅令和汝何得與我拒戰乎時僕  
固懷恩父設支適在其中獨遮護之諸部落持疑不肯  
公判羊以盟之仗義以責之衆皆感激由此獲免遂與  
設支部落二千帳來歸後充河西軍前將盤禾安氏有  
馬千駟怙富不虔一族三人立皆毆斃軍州悚慄疇敢  
不祇仰爲節使相國蕭嵩所賞後充河源軍使兼隴右  
節度副大使關西兵馬使拜右武衛將軍吐蕃不敢東  
向者累奉俄封上蔡縣開國侯開元十二季歲次甲子

春二月廿有六日薨于鄴城之官舍享年五十六其季  
八月廿三日 詔曰故具官公頃以幹能亟承任使操  
行逾謹勞効未酬不幸遷殂良增追悼可贈右領軍衛  
大將軍卽以其季冬十月庚戌遷窆于京兆府三原縣  
北原禮也嗚呼公兄左羽林軍大將軍平盧副持節懷  
亮以方虎之材膺爪牙之任孔懷斯切致美則深七子  
游擊將軍崇仁府折衝希崇豐州別駕贈宋州刺史希  
昶左武衛將軍朔方節度副使贈太子賓客希忱右衛  
左郎將劔南討擊副使贈汝州刺史希愔右驍衛郎將  
靜邊軍使贈祕書監希景寧州刺史左金吾衛將軍贈

揚州大都督希晏開府儀同三司行太子詹事兼御史大夫邠寧山南觀察使集賢待制工部尚書渭北節度使魯國公希讓等夙漸詩禮恭承教義芬潤挺蘭玉之姿英威轡虜彌之質而希讓識度曠遠器謀沉邃仁親以孝殿國以忠綽裕冠於人倫勲勞懋於王室至德中今上爲元帥東伐肇允押牙從收兩京陟降左右入侍帷幄旣崇翼戴之功出擁麾幢載叶澄清之寄加以篤睦羣從紉綏宗族吉凶瞻恤終始無渝行道之人孰不嗟尚

肅宗以公有謀翼之勤乾元三季

春三月贈魏州刺史寶應元年冬十月又贈太常卿廣

德元季冬十月。詔曰：孝以立身，可揚名於後代；忠能事主，故追榮而及親。開府儀同三司兼御史大夫元帥都虞候魯國公臧希讓，亡父贈太常卿懷恪，業茂勲賢，地華簪紱，佩忠信而行己，包禮樂以資身，守節安卑，幽貞自處，養蒙全正，聲利不營，雖與善無徵，促齡悲於逝晷，而積善垂裕，餘慶光於後昆，故得業濟艱難，功參締構，出有藩條之寄，入多爪牙之任，位以德遷，禮宜加等。父由子賢，贈合超倫，宜登八座之榮，式慰九原之路。又贈工部尚書，褒異之典，於斯爲盛。臧氏自驃騎而下，世以材雄朔陲，尚書旣還，特以功懋當代，兄弟子姓，勲賢

開出自天寶。岨于開元。乘朱輪而拖珪組者數百人。迨于今。茲繁衍彌熾。綰軍州而握兵要者相望。國都有後之慶。固殊異于他族者矣。真卿早歲與公。兄子謙爲田蘇之游。敦伯仲之契。晚從大夫之後。每接嘗察之歡。故公之世家。竊備聞見。敢述遺烈。將無媿辭。銘曰。

魯史衰者。臧孫有之。陳奐則諫。納鼎以規。歿賢言立。時稱聖爲仁。昭典墳。智叶著龜。世濟忠肅。口光羽儀。以至夫公。英明雄毅。鶚視騰彩。龍驤作氣。鋒淬霜棱。妙窮金匱。謀猷泉寫。翰墨風馳。儒勇是兼。勲庸以位。介馳戎馬。猛奮虓虎。絕漠援孤。連兵戰苦。萬虜鳴鏑。紛紛如雨。一

身抗詞諤諤連拄精貫雲日氣雄鉦鼓狄人義激僕固  
誠全眇湯窮裔隨降幾千野靜沙雪風恬寒煙我騎如  
雲我旗連天牧無南向凱有北全山天子休之命侯開  
國謂福而壽康衢騁力奚命之邇幽局是卽十城玉折  
萬里鵬息陣雲蒼蒼日暮無色令人趨奉天眷孔明  
九原不作八座哀榮勇列徽範芳時懿名里成冠蓋族  
茂簪纓萬古千祀瞻言涕零

臧懷恪碑顏魯公簪并書懷恪再爲王峻蕭嵩兵馬  
使積官右武衛將軍封上蔡縣侯三贈而至工部尙  
書則以子希讓貴故也兄懷亮至左羽林大將軍懷

恪有子七人咸顯而希讓至尙書節度使魯國公碑  
稱兄弟子姓勛賢間出自天寶距于開元乘朱輪而  
拖珪組者數百人而唐史不爲立傳故聊載之書法  
偉勁不減家廟茅山而石完不泐尤可喜也金石錄  
又載韓擇木書第三子太子賓客希忱碑及希晏碑  
以韓秀弼書之希讓胄子也而能爲不朽計乃爾誠  
有過人者矣

兗州山人稿

尙書墓在陝西之三原縣顏公此刻人間少傳予向  
以使事道陝得之尙書七子皆爲顯官而希讓至魯  
國公顏公文集復有臧氏糾宗碑書七子官與此不

同金薤  
琳瑯

右贈工部尙書臧懷恪碑不見立碑年月趙氏金石錄以爲大歷中立顧氏金石文字記據碑文載廣德元年十月贈官詔書因系之廣德元年予以魯公署銜證之而知德甫爲可信也魯公麻姑仙壇記云大歷三年真卿刺撫州具撰李含光碑云大歷六年真卿罷判臨川旋舟建鄴今此碑題金紫光祿大夫行撫州刺史上柱國魯郡開國公則必在大歷三年以後矣寶刻類編以爲開元十二年立則但據其卒之年月并未讀其全文尤爲疏舛

潛研堂金石文跋尾



碑云開元初嘗遊平盧屬奚室韋大下公挺身與戰所向摧靡新唐書室韋傳惟載開元天寶間凡十朝獻其後貞元四年與奚共寇乃見于傳證之碑則開元初已內侵而史蓋失錄又碑下文遇突厥斬噉八部十萬餘衆于狼頭山今檢突厥部落無此名

通鑑

聖歷九年九月改默噉爲斬噉當時武后憤其偏疆故漫爲此號而魯公亦襲用之然懷恪應

變紿敵功不爲細乃卒不附突厥本傳亦其疎也又所云僕固懷恩父設支適在其中獨身遮之由此獲免遂與設支部落二千帳來歸案之唐書皆不合傳

載懷恩鐵勒部人則懷恩父亦舊屬鐵勒矣又云乙

李暉生懷恩世襲都督則傳言父蓋名乙李暉今碑  
乃云懷恩父設支則又名設支矣至云與設支部落  
二千帳來歸設支又自有部落及開元初來歸始爲  
唐臣亦非世襲都督者疑此數事史文皆未悉並當  
以碑爲據且足補突厥室韋二傳之闕則是碑之傳

益可寶也

授堂金石跋

按此碑無年月以撰書之顏真卿結後末之碑題

行撫州刺史魯郡開國公新唐書真卿傳代宗  
起爲利州刺史不拜再遷吏部侍郎除荆南節度  
使未行改尚書右丞帝自陝還真卿請先謁陵廟

宰相元載以爲迂俄以檢校刑部尚書爲朔方行  
營宣慰使未行畱知省事更封魯郡公時載多引  
私黨真卿上疏載以爲誹謗貶硤州別駕改吉州  
別駕遷撫湖二州刺史載誅楊綰薦之擢刑部尚  
書進吏部

舊傳  
畧同

帝自陝還者代宗本紀廣德元年

十月庚午吐蕃陷邠州辛未寇奉天武功京師戒  
嚴丙子如陝州戊寅吐蕃陷京師十二月甲午至  
自陝州是也元載爲宰相乃寶應元年建辰月之  
事元載之誅乃大歷十二年事真卿之爲撫州刺  
史傳雖不詳何年玩其敘次在載誅之前據麻姑

仙壇記大歷三年已刺撫州則不出三年至十二

年矣

集古錄目載顏真卿乞御書放生池碑額表碑并碑陰記大歷中真卿爲湖州刺史建于

州之路駢橋東以大歷九年立据此則真卿今据之刺湖州在九年其刺撫州又在九年之前

其子希晏大歷五年立碑則此碑必與同時所立

因列于其前碑載懷恪以開元十二年二月薨十

月窆乾元三年贈魏州刺史寶應元年贈太常卿

廣德元年贈工部尚書自是又踰數年而後立碑

蓋距其薨四十餘年矣碑云祖寵父德据魯公文

集東莞臧氏紉宗碑銘祖寵與此同而父作善德

金薤琳琅載此碑父善德與紉宗同而祖作君寵

蓋金薤訛也碑云斬啜八部落又云僕固懷恩父

設支

金薤琳瑯  
訛作設之

新唐書僕固懷恩傳父乙李啜舊

書傳作乙李啜拔似新書脫一拔字啜拔卽碑云

啜八皆部落之名至碑所稱設支雖無可攷然以

其爲部落之名亦可無疑以臆度之猶漢時郅支

之遺也疑懷恩之父本未有名卽以部落爲名故

啜拔設支皆可隨稱而乙李啜拔又蕃語繁簡之

不同也糺宗碑載懷恪有兩兄懷慶懷亮而懷慶

已書贈官是已先卒故碑但書懷亮碑書懷恪七

子官與糺宗碑不同者長希崇游擊將軍崇仁府

折衝紂宗作右衛中郎將贈口州刺史次希昶與  
碑同次希忱以下贈官俱同所不同者希忱左武  
衛將軍朔方節度副使紂宗作左驍衛中郎將次  
希愔右衛左郎將劍南討擊副使紂宗作忠武將  
軍次希景右驍衛郎將靜邊軍使紂宗作左威衛  
中郎將次希晏紂宗贈左街使餘同次希讓紂宗  
但書魯國公不書官位前六子皆有贈官則立碑  
時皆已先卒惟希讓在矣碑云真卿早歲與公兄  
子謙敦伯仲之契所謂兄子謙者不知是兄字子  
謙抑或是兄子名謙據紂宗碑懷恪兩兄旣無子

謙之稱懷慶五子希古希真希賓希拙希逸懷亮  
五子敬廉希莊敬之讓之敬此

此疑  
有說

亦無謙名再

据碑懷恪以開元十二年卒年五十六其生在總  
章二年則其兩兄當生于龍朔麟德之間史稱真  
卿以興元元年卒年七十七其生在景龍二年少  
子懷恪兩兄之年四十餘則早歲所與敦契者爲  
兄子無疑特不知謙爲何人之原名耳真卿撰此  
碑當與紉宗碑同時而文有不同者如此所未詳

也

臧希晏碑

碑高九尺四寸五分廣四尺五寸六分  
二十四行行四十九字隸書在三原縣

口唐故金紫光祿大夫左金吾衛將軍口口州大都督

臧府君神道碑銘

并序

銀青光祿大夫行兵口侍郎上柱國清河郡口口口

張孚撰

朝議郎守衛尉少卿淮陽縣開國男賜緋魚袋韓秀

弼書

有唐廣德二年八月五日朔左金吾衛將軍臧公墓于  
口口安邑里之私第享年五十有三大曆五年十月十  
五日葬于三原縣長坳鄉禮也公諱希晏字恭靖先封



受氏奔葉重光僖伯諫魚哀伯諫鼎文仲立德武仲立  
言傳慶□□□之□□□□□□□□□□之際子孫有後大庇  
生靈述職因官今爲京兆人也曾祖君寵通議大夫靈  
州長史祖善德銀青光祿大夫銀州刺史贈太子少師  
父懷恪右領軍銜將軍魏州判史上蔡侯贈工部尙書  
重世將門一時人傑光臨舊圖非驚於守□繼登列郡  
載美於□□靈社白茅式旌餘烈爵明朝也握五兵之  
要漏幽泉也追八座之尊禮備□榮

澤覃存歿

名器之重今古無儔而高門棨戟前庭鍾鼎谷量千駟  
之馬籟滿萬金之裝三武邁賈氏諸昆八元□高陽才

子公□□□節長標雅操用武則武可畏學文則文足  
昭鬱爲珪璋俯拾青紫常以爲千戶侯力可取萬人敵  
才之餘□藝總九流射穿□札長纓係頸於闔越□兵  
斷□於何奴開元理兵之歲塵飛碣石烽照甘泉盧龍  
北隣胡馬南牧克貞師律□□親賢

天子

御正陽前殿乃命禮部尙書信安郡王建牙璋擁金節  
控弦廿萬以專征之六郡良家公爲特□而□征□□  
□□□□公以爲揚雄執戟阮籍步兵千古同□□無  
慙色其後出右地窮河源收堅城拔高壘戰勝攻取左  
旋右抽合變出奇智□□遇以□功纒遷至衛尉少卿

尋加口受降城使河曲之間威聲載路屬三水之地五  
載未巡公侯腹心受委而拜遂以公爲口口皇城使遷  
左監門將軍兼麟州刺史無何轉慶州刺史去思來暮  
行古之道特拜太僕卿兼寧州刺史夫漢宣共理所以  
寄口侯也口口以寧是用咨多口也故佩中朝之印塞  
外臺之帷抑有由矣屬親征振旅薄伐弔人駐蹕而  
萬姓來蘇迎

鑿而百神望

幸由是口其列

郡口爲行宮鎮六龍之旂儀雙鳳之闕擇能作牧匪易  
其人以政理殊尤拜左金吾衛將軍左衛使任切爪牙  
寄崇心膂口利功業亞夫口名方欲鑿出師之門分制

軍之闕未加明命忽闕幽泉故老泣於邊疆賢臣愴於  
冠劍將星夜落陣雲朝起凜然餘勇千載猶生故夫人  
贈燕國夫人劉氏百代舊封五公貽慶嬪則彰美姆訓  
番芳生前已飾其口井歿後更封於石窳先公□□合  
祔同歸公之季弟希讓御史大夫工部尙書渭北節度  
贈太子太師往與公更執金吾同□□王肅儀貌陳  
平智謀雄憲臺之一□□長城之萬里因心則友義切  
天倫嗣子睦王府長史叔獻次子郢州別駕叔雅季子  
河南府河清縣主簿叔清欒欒□□攀號岡極羔柴泣  
血曾參絕漿喪過乎哀行過於禮敬承副相之託式紀

冠軍之銘銘曰

臧孫有後千古立程才爲將畧道實人英出入三代光  
□百城□□之□□□之□□□□□□定傾□□  
□□□□嘉名□□父子□□弟兄高碑之上□紀忠

□

按寶刻叢編載諸道石刻錄有唐贈揚州都督臧希  
晏碑云唐張孚撰韓秀弼八分書大歷五年立在三  
原今碑不見贈揚州都督事亦無大歷五年字或皆  
在所缺處葬于廣德而建碑于大歷年亦不遠也  
希晏爲懷恪子兄弟七人皆貴顯懷恪碑爲曾書甚

傳于時金石錄載臧氏墓碑凡三金石畧載韓秀弼  
一所書碑凡四而俱不及此何也碑雖斷缺然名字世  
系歲月功勳及夫人嗣子俱尙可見亦異于泯滅失

傳者矣

金石存

按臧希晏爲懷恪第六子

兗州山人藁  
誤作長子

碑題□□

州大都督泐二字据懷恪碑是贈揚州也撰文者

張孚孚字可辨蓋與曹倦圃先生藏本同爲佳搨

矣張孚及書人韓秀弼史皆無傳古今碑帖考載

韓秀弼秀實秀榮三人云並以八分擅名又俱同

時必其兄弟諸書皆無可攷墨池編載秀弼所書

碑有六曰元待聘碑李齊物碑鄭叔清碑裴曠改  
葬碑鎮國公李元亮功德頌李晟先廟碑並八分  
書而不及此碑兪州山人彙則載此碑云廣德二  
年書是亦未細閱全文也碑稱曾祖君寵祖善德  
與懷恪碑不同又稱父懷恪右領軍衛將軍魏州  
刺史贈工部尙書亦與懷恪碑異碑云開元理兵  
之歲命禮部尙書信安郡王控弦廿萬以專征之  
此卽開元二十年正月信安郡王禕爲河東河北  
道行軍副元帥伐奚契丹事詳見白道生碑跋中  
碑云屬親征振旅薄伐弔人此指肅宗靈武時事

顏魯公撰臧氏紉宗碑懷恪七子書贈官者六人  
惟希讓不書贈官蓋其時希讓在也此碑則云希  
讓贈太子太師則亦卒矣希晏三子叔獻叔雅叔  
清其官位與紉宗碑不同碑云叔獻睦王府長史  
紉宗云朝散明州長史碑云叔雅郢州別駕紉宗  
云朝散洋州司馬碑云叔清河清縣主簿紉宗云  
京兆府叅軍蓋紉宗與此碑有建立前後之不同  
也



爲此器以爲之  
邦甲以爲之  
邦甲以爲之  
邦甲以爲之

取此器以爲之

取此器以爲之

取此器以爲之

取此器以爲之

取此器以爲之

取此器以爲之

取此器以爲之

